



05155

蘭言集目錄

卷一

袁枚

沈行泰

謝啟昆

卷二

姚鼐

翟大程

唐寶樹

翟槐

蘭言集

卷三

法式善

師範

卷四

阮元

端木煜

王澤

朱怡

卷五

張葆光

儲麟趾

恽毓英

朱筠

陳毅

孫辰東

江德量

魯瓊

翟繩祖

孫星衍

陳蔚

黃鉞

孫汝準

朱焯

洪亮吉

吳鼎

楊炘

左暄

俞肇琳

任炎

俞掄文

梅鏐



蘭言集

盛復初

黃崇蘭

張肇煥

胡翔雲

鄧石如

朱煊

朱文鑣

趙其楷

卷六

呂翊榮

周之冕

崔天繡

陳其松

王蔚宗

汪繼培

朱修

卷七

朱琿

胡敬

胡承珙

侯雲錦

侯雲松

洪飴孫

蘭言集

卷八

陶澍

梅冲

查揆

胡世琦

王慶麟

張履元

馮震東

卷九

潘際雲

張炯

章天育

吳鳴球

吳文炳

吳鸞

俞文鏊

汪廷桂

顧鶴慶

沈模

吳敬恒

陳濤

卷十

潘瑛

王豫

潘恩簡

孫憲儀

方紹董

吳台

朱煥

朱佩

史臺懋

陳方海

陳方瀾

徐漢蒼

朱份

卷十一

陳瀚

吳大昌

朱佑

董正治

姚翔

端木焯

陶譽相

單達

朱綿生

汪文松

余燮

胡貞翰

蘭言集

侯敦復

馮度

吳昌言

卷十二

方外

慧琳

陳遇

慧木超

巨超

悟霈

達航

胡一照

玉輝

先學

非臺

定志

蘭唐集 卷一

江翰涇

紹祖琴士手鈔

江翰涇

男國楨孫同璋仝校

袁枚字子才號簡齋浙江錢塘人乾隆己未進

士官庶吉士出為江寧知縣著有小倉山房

詩集三十二卷

余往來隨園之門十餘年雖未敢自附於弟之列然亦竊聞先生之緒論矣先生

嘗謂余曰作詩不可不熟讀經史或有謂理語不可入詩此亦不然但不可過腐使人生厭又曰作詩須學力性靈並到方為好詩使有性靈而無學問則登高懷古及逢 國家大典便如軍力單弱卒遇大敵未有不輒亂旗靡者若僅有學力而乏性靈則一題到手鋪排門面此又如土偶木人全無生氣恐不止優孟衣冠之為誚也蓋先生為詩之大旨如此故能上迺漢魏下迄元明於諸大家外別樹一幟而或者摘其單詞片語偶然矯枉過正之言生則奉為圭臬學步效顰及先生之歿則別倚門牆操戈入室其為

蘭言集

卷一

先生之累者不少矣今鈔先生詩惟取議論發越雄渾頓挫之不及於古者而一切遊山應酬之作畧及一二使讀者知先生之詩其美且富如此則亦庶幾可息其喙矣

八月廿九日同沈補蘿李晴江探桂隱仙庵

歸憇古林寺

遊山同隊行看山各自領不逢桂花開且踏桂枝

影桂藥何離蓄意如未逞寒潭明空霜禪室納

虛景脉々夕陽沉冷々天風冷道人登竹樓彈琴

萬山頂

曳杖隨所如小憇古林寺經聲如有人松花飄滿

地一僧長眉青萬竹短籬翠為我滌齋厨供以伊

蒲味。時當晚課齊。各各叅佛義。余亦慧業人。拈花
領微示。出門秋正清。下山月猶未。回頭雲一重。鐘
聲渺烟際。

拘嶺

僕夫侵晨興。縛屩來相告。今朝路大難。厥嶺名曰
拘。果然一里餘。踈々半日到。左轉右更回。上銳下
復峭。非螺旋磨盤。類蝸升堂奧。周旋似足恭。曲折
恍迷道。始厭繼亦欣。初怯後乃笑。遊山如讀書。久
歷始知妙。又如初交朋。難釋中心好。我雖慙荆公。
人地兩相肖。姑且師昌黎。少安幸無躁。

丙午秋先生手
書此詩于扇面

蘭言集

卷一

二

見贈故
錄之

歸家即事

初四出官署。二十整行裝。三十抵烏鎮。初一入錢
唐。錢唐到家近。心急路轉長。離鄉忘鄉音。入耳翻
俚張。聞者問姓名。小犬吠籬旁。主人不復顧。直趨
上中堂。阿姊扶阿父。老妻扶阿娘。衆面一齊向。雜
語聲滿房。阿母向我言。為見道家常。我老多疾病。
且喜無所妨。不如汝之父。秩膳口頗強。自汝出門
後。諸親如水涼。三妹抱瑤瑟。悔嫁東家王。四妹婿
遠遊。季蘭尸祭忙。汝孀自粵歸。祀竈無黃羊。舅家

風淒。滿屋堆靈床。告汝各甘苦。便汝相扶將。阿
母言。且行。手自羅酒漿。阿父為我言。望兒穿眼眶。
昨得一口信。道汝頗周詳。初四出官署。二十整行
裝。三十抵烏鎮。初一入錢唐。新官初攝篆。米穀猶
在倉。三鬴與四鬴。廩人未收量。汝今雖歸家。何能
長居鄉。汝食大官俸。我得屋東廂。汝仰視櫺栳。干
金寧低昂。荷花三十里。蔭柏復沿塘。金九小木奴。
冉冉自垂黃。老人手所植。待兒歸來嘗。我將行赴
園。有人牽衣裳。一妾抱女至。牙牙拜爺旁。佯怒告
訴爺。索乳頗強梁。一妾作低語。外婦宿庚桑。君母
蘭言集

卷一

三

忘管蒯。專心戀姬姜。老妻笑啞。打開雙青箱。謂
當獲金珠。而乃空文章。阿母欲我息。吹去蠟燭光。
明日大母墳。長跪奠餼觴。孫兒十八歲。懷抱猶在
牀。今兒得官歸。古墓生白楊。嗚呼蒼天恨。此恨何
時忘。後日走西湖。帶雨觀湯。我行周四嶽。畢竟
此無雙。悠々笑語過。忽々燈節忙。此身不自持。呼
僕買舟航。阿母留兒子。一日如千場。觀兒加餐飯。
為兒備餼糧。家園笋似玉。手烘加飴糖。春茶四十
挺。片片梅花香。阿父不受拜。但指鬢邊霜。妾妾無
所言。含淚不成粧。惟問幾時歸。君歸我可望。阿姊

出簾拜。甥兒要同行。叔母亦啣。阿品交與。兄兩
郎俱年少。初生別離腸。親朋來一送。軟語都未遑。
蕭。北門關。行李搖夕陽。慈烏哺。復去脊。令聚復
翔。鴛鴦折荷葉。織女望河梁。浮雲為鬱結。驪駒為
徬徨。人生天地間。哀樂殊未央。愈。撲愈真。愈。愈雅。純是古樂府氣味。

虎口行

入虎穴。登虎口。吾戴吾頭。虎牙走。欲嚙不嚙。虎不

如狗。君不見太原守。姓邊名大綬。解一公順天人宰

米脂。闖賊故鄉。君所治。欲斬此賊。計不得施。不知

若祖若父作何狀。生寧馨兒。急掘土中屍。我欲見

蘭言集

卷一

之二。壬午正月九日。雪花如矢。稱妮前行。到三峰

子。二十三墳。宰如也。金椎丁丁。啟。解三撲面一條驚

蛇。翔張口呀呀吞日光。鬪虜青銅聲。骨節黃毛長。

四山妖雲毒霧天。茫茫。解四碎其骨。伐其樹。腊其蛇。

平其墓。純灰豬沃。雄黃燒馬通。熏湯牛溲澆。軍民

聲如雷。指日滅黃巢。解五姻艾朝棟。報賊賊大驚。

登時一矢貫目睛。公還鄉。賊入京。傍人勸公逃。公

曰。老母在何能行。解六一路哭矣。賊來捉矣。騎簇

矣。母妻子女齊入獄矣。縛公上馬。獻闖王。麾下萬

目駭。看掘墳者。解七公自念丈夫死耳。何悲哀。但

不知抽腸釘舌千災五毒如何來八解過獲鹿出固

關犍闖至黃衣冠一騎牽公上一騎搖手言大

王屢敗眠不安莫遠奏王傷王心肝九解載馳載驅

曰至壽陽邏騎十八漸不成行一騎大笑汝何不

亡公乃狂竄轉覺心戰十解打背大呼驚賊追逋回

身面之是傖父持鋤想剥衣裾贈之以敝襦晝伏

夜趨百險千虞而反其居十一解扣阿妹門疑阿兄

魂抱老母慟母云是夢闖賊口小哆萬頭一齊墮

汝何人斯交臂而過十二解聖朝擢公五馬軒軒

梨園演公觀歎紛紛富貴壽考子姓如雲公書其

蘭言集 卷一 五

事記辛苦我歌為詩告千古但憑天莫畏虎十三解

詩從邊公自記演出寫得如火如茶固是奇人奇事然非得此奇筆亦不能寫生如此

題武肅王像 有序

遊桃源歸過護國寺僧洪乘說錢王鐵券

藏王村錢亭恂家即往訪之主人故農也

合家款客出武肅像與觀云券現在天台

縣城中族長文川公處

展卷驚逢王者來如日出海雲為開垂願廣額目

閃閃是人疑龍心疑猜良久方知武肅像天生乾

坤命世才擲却鹽車便用武越水吳山裁有主黃

腰獸至走若麀。妖鳥羅平變為鼠。劍氣能寒十四
州。潮聲尚怯三千弩。餘杭美酒千斛馱。灑作故鄉
春水波。小名悉憑鄰娃喚。大風且唱高臺歌。八十
金尊九十玉。次第頒與民樂。白頭醉倒手親扶。
赤子遮留馬前伏。石鏡重看舊冕旒。山龍更挂新
衣服。過眼滄桑八百年。銅駝石馬盡寒烟。將軍衣
錦。今何在。我亦遺民過惘然。相傳鐵券王孫護。走
訪方知傳者誤。只有農氓荷鋤歸。手舂黃梁留我
住。想見君王愛士心。家風此日還如故。不肯填西
湖。不肯號皇帝。保障生靈有深意。花開陌上送妃

蘭言集

卷一

六

歸。婆留老矣還娛戲。可惜稱臣漢賊前。仲謀畧損
風雲氣。嗚呼君不見。淮南三十六英雄。曾無一个
肯受朱三封。但聞聲。苦勸討賊羅江東。頓挫淋漓
筆雄力健

五人墓

冤雲四垂風莽。銀鐙鐵鎖閭門響。閭門側目耳
向天。天語不聞聞東廠。東廠逮者周先生。人不識
面聞其名。九重天子詔安在。阿儂此處難橫行。李
陽老拳一揮臂。萬手如星撒平地。破柱難探逆豎
頭。披枝且奪元凶氣。萬人散盡五人存。顏馬周楊
市井民。戴頭笑見高皇帝。千卿何事徒紛紛。從此

緹騎不敢狂。九千歲事旋消亡。收回七首知何限。
抵得彈章更幾行。當時高冠若箕數十輩。子姓跪
起如奴忙。豈無麒麟三尺護華表。早已緒沃躄牛
羊。何人肯奠酒。與漿五墳纍。春妻。三月草長。
蝴蝶飛。可惜梁鴻生太早。只知穿塚傍。要離。

明妃曲

長畫卷

明駝一羣角數聲。漢家宮女昭君行。六宮送別淚
如雨。怨入民間小兒女。昭君上馬鞍。手取琵琶彈。
生來絕色原難畫。影落黃河自愛看。詔書殷勤選
容質。傳到龍庭轉幽咽。侍女濃熏甲帳香。傾城遠

蘭言集

卷一

七

掃天山雪。橫波滿臉向明王。手拂穹廬作洞房。生
長內家風味慣。酒酣時作漢宮粧。從今甥舅息干
戈。塞上呼韓日請和。寄言侍寢昭陽者。同報君恩
若个多。
怨入民間小兒女一語寫盡千
古通首和雅明麗無叫囂之習

題柳如是畫像

生綃一幅紅粧影。玉貌珠冠方繡領。眼波如月照
人間。欲奪鸞篋須絕頂。懷刺黃門悔誤投。遺珠草
草尚書收。黨人碑上無雙士。夫婿班中第二流。絳
雲樓閣起三層。紅豆花枝枯復生。斑管自稱詩弟
子。佛香同事古先生。勾欄院大朝廷小。紅粉情多

青史輕扁舟。同過黃天蕩。梁家有个青樓樣。金鼓
親提妾亦能爭奈。江南不出將。一朝九廟煙塵起。
手握刀繩勸公死百年。此際盍歸乎萬論。從今都
定矣。可惜尚書壽正長。丹青讓與柳枝娘。
名德不昌
乃有期頤

之壽今古可
惜豈獨虞山

周孝侯斬蛟臺

父老談惡蛟。將軍磨寶刀。刀光入水人不見。格鬪
三日風蕭蕭。手提蛟頭拔浪起。蛟血淋漓紅滿體。
兩患雖除一患存。擲刀從此讀書矣。初師陸士龍。
再討齊萬年。一時文武才非公。孰羨全孤軍。陷入
窮邊慘杖節。披髯死無憾。可惜朱雲請劍遲。佞臣
不與蛟同斬。鄉人高築土一邱。至今盛夏涼如秋。
五百毒龍過此愁。猶恐將軍在上頭。

撫孤竹為畢尚書作

我聞郭代公。四十萬緡脫手空。又聞魯子敬。指千
囷粟作投贈。此皆周恤生前朋。不如畢尚書待死
友。有深情。諸公聽我撫孤竹。
解新安魚門子。姓程
字戢園。平生著述千萬言。重仁襲義人稱賢。只有
作家二字天性短。玉卮無當不能盛一錢。食翰林
俸。逋負如山。長髯拂。兩眉皺。急走西方求佛救。

解二形：徂暑乘奔棧車。烈火燒其心。炎風炙其軀。

行年六十胸煩紆。望見畢尚書。當作菩提如。尚書

迎入南衙居。只道故人來。不圖新鬼俱。奄然一病

遽委化。瞑目而去。片言無。詳三尚書親視含殮。泣下

數行。楸拊為藉。幹袒免為服喪。三桃湯五穀囊。一

一布置加周詳。柳翼駢羅。羽葆輝煌。送歸靈輶。白

下葬。旁人嘖嘖相誇張。道如此異鄉。死哀榮勝故

鄉。詳四死者樂矣。生者哭矣。孤兒會。無棲宿矣。尚

書聞之。又買屋矣。可奈尚書官大梁。孤兒居建業。

昏夜乞水火。鞭長莫能及。魚門平日交。滿海內空

蘭言集

卷一

紛。誰管東里西華。冬日猶衣葛練裙。如枚百輩

何足數。只能代為躅。足仰望高天雲。詳五闐然明駝

千里來。黃金百鎰光。暄。交與桐城俠士章。淮樹

替主進。替營財。但許取子不取母。十年以後交兒

手。詳六七月二十四日。隨園風和。章公挈孤兒。載酒

相過。作畫紙。券唱得寶歌。頃刻金城千萬丈。崽子

媿嬌得。依傍。詳七滿堂賓客。額手再拜。不信當今古

人尚在一。叟無言搔白頭。招阿遲來笑不休。而翁

縱死汝無憂。汝不見畢尚書。風義高千秋。詳八潘

直蒼涼從病婦孤兒諸古辭鑄而出而奇才浩氣自開生面此種詩乃集中上乘學者不於此問津而徒襲其綺靡纖巧之習且或借

以警議誠
所不解

大河潼關。雞唱三秦曉。潼關八扇開。九州疑地近。匹馬上天

來。城影高難落。河聲去不回。九泥忘禁谷。懷古有

餘哀。如出謝茂秦
李滄溟之手

山阿題史閣部遺像 有序

燭四。像為蔣心餘太史所藏。并其臨危家書都

為一卷。書中勸夫人同死。託某某慰安太

夫人末云。書至此。肝腸寸斷。

每過梅花嶺。思公淚欲零。高山空仰止。到眼忽丹

蘭言集

卷一

十

青勝國衣冠古。孤臣鬢髮星。宛然文信國。獨立小

朝廷。

已斷長淮臂。難揮落日戈。風雲方慘澹。天子正笙

歌。四鎮調停苦。三軍涕淚多。至今圖畫上。如眇舊

山河。

且喜家書在。銀鈎字數行。淒涼招命婦。宛轉託高

堂。墨淡知和血。篇終說斷腸。當時濡筆際。光景莫

思量。氣旺神來非此
筆不能死此事

太師留畫像。交付得歐公。展卷人如在。焚香禮未

終。江雲千里外。心史百年中。怕向空堂捲。霜天起

朔風

過謝容崑有懷康樂公

一夢傳千古。詩人重友于池。塘應在此。春草綠如初。水色芙蓉嫩。苔痕履齒疎。相傳崖上篆。猶是謝

公書。三四 恰好

赤壁

一面東風百萬軍。當年此處定三分。漢朝火德終燒賊。池上蛟龍竟得雲。江水自流秋渺渺。漁燈猶照荻紛紛。我來不共吹簫客。烏鵲寒聲靜夜聞。

謝太傅祠

蘭言集

卷一

十一

一笑翩然載酒行。東山女伎亦蒼生。能支江左偏安局。難遣中年以後情。花下殘棋兎破敵。燈前老淚客彈箏。荒祠隔葉黃鸝語。猶似當初絲竹聲。蘊藉風流

詠謝傅能得其全相

羅昭諫墓

遠望翬江氣寂寥。江東遺塚草蕭蕭。三生金榜無名字。一卷唐詩殿本朝。照壁紅紗曾志寵。隔簾嬌女罷吹簫。傷心枉進英雄計。花醉華堂淚未消。三四 足為

昭諫吐氣第四語 尤道得渠心事出

荆卿里

水邊歌罷酒千行。生戴吾頭入虎狼。力盡自堪酬
太子。魂歸何忍見田光。英雄祖餞當年淚。過客衣
冠此日霜。七首無靈君莫恨。亂山終古刺咸陽。

吳桓王廟

擲戟神亭一笑分。英雄名號尚郎君。南來劍奪中
原色。獵罷龍驚草上雲。自覺風流夸二壻。有誰旗
鼓關三軍。千年願獻鏡歌曲。帳下還愁子布聞。

武后乾陵

高捲珠簾二十年。女人星換紫薇天。明堂黜配無
光武。本紀開端有史遷。鶴監儘容才子住。南牙不

蘭言集

卷一

十二

放阿師顛。蓮花霜折宮床冷。猶見金輪盪晚烟。三四絕大

議論能於
題外出力

含風殿唱小秦王。短髮重歌武媚娘。十月梨花知
宰相。一篇檄草歎文章。慈心果自啼鸚鵡。殺氣終
教曬鳳皇。愛絕醜奴為殉未。荒墳相對有莊襄。

過鄴下弔高神武

唱罷陰山勅勒歌。英雄涕淚老來多。生持魏武朝
天笏。死授侯殺賊戈。六鎮華夷傳露布。九龍風
雨聚漳河。祇今尚有清流月。曾照高王萬馬過。第四

指屬用慕容紹宗事
然尚不及出句之警

主奴吾殿八氣歸火蓋自禁

戲馬臺弔宋武帝
身披衲襖博千場。萬馬登臺劍有光。一逐水仙歸
大海。三擒天子出咸陽。白紗帽急金甌小。野葛燈
懸玉燭忙。可惜雄心當暮齒。關中父老易沾裳。

博浪城

真人採藥走蓬萊。博浪沙連望海臺。九鼎尚沈三
戶起。六王纔畢一椎來。虎龍有氣黃金盡。山鬼無
聲白壁哀。大索十旬還撒手。此君終竟是奇才。

澶淵

路出澶河水最清。當年照影見親征。滿朝白面三

蘭言集

卷一

十三

遷議一角黃旗萬歲聲。金幣無多民已困。燕雲不
取禍終生。行人立馬秋風裏。懊惱孱王早罷兵。雄快無比

汾陽王故里

甲第曾將永巷收。千年華屋感山邱。功名遠掃蕭
曹局。歌舞長消蠡種愁。一代侯王供僕役。半房兒
女任啁啾。我來難覓親仁里。暮雨瀟瀟過華州。自古亭功

名之福未有如汾陽者要之
肅代二宗尚是有人心者耳

牛口谷弔竇夏王

一旅中原振鼓鼙。夏王仁義偃王齊。空爭狐注黃
河北。不解連環太華西。牛口谷深天意在。虎牢關

失陣雲低英雄回首書生計夜夜青山杜宇啼

豈獨四首

書生亦當回首闈壺耳

到桐柏宮觀伯夷叔齊石像

雙雕石像古鬚眉。傳說宣和建此祠。門外清流千百曲。庭前孤竹兩三枝。也知讓國全無怨。未必登山果有詩。薄獻蘋繁公莫笑。料應記得采薇時。

重登釣臺

瓊臺登罷釣臺登。白髮重登倍有情。照水貌憐非昔日。遊山事可告先生。荒村小泊難忘舊。聖世辭官易得名。半夜推篷向空望。台星終讓客星明。

蘭言集

卷一

十四

謁張曲江祠

天寶當年事漸非。先生進退履危機。篋中秋扇恩難忘。天際冥鴻翼早飛。金鑑果教言在耳。玉環何至淚沾衣。千秋丞相祠堂在。留與行人拜夕暉。

柳子厚祠

金章紫綬照江濱。王者衣冠古逐臣。但說權門難托足。誰知文士易成神。宮庭慷慨伊周事。湘水淒涼屈賈身。剩有荔子丹一曲。至今歌徧楚南

王叔文事

平心論之祇有戀權不去為可哂其餘則功多而過小也當日子厚附之蓋亦有道五六議論子厚庶幾不愧以上數十章俊逸清新虛實並到先生所謂學力性靈必須兼之者斷推此種學者讀之可以知所從事矣

春興

身居宏景三層閣。家住香山八節灘。愁踐落花時
讓路。愛生春水獨憑欄。朱藤架老蜂喧早。薜荔墻
高蝶過難。呼取樵青作僮約。幾痕新雨試魚竿。

江中看月作

江風送月海門東。人到江心月正中。萬里魚龍爭
照影。一船鷄犬欲騰空。帆如雲氣吹將滅。燈近銀
河色不紅。如此宵征信竒絕。三更三點水晶宮。
雄健

答大廷尉王蘭泉先生見寄詩扇有序

先生名昶以吏部郎從阿將軍桂征金川

蘭言集

卷一

十五

同行者趙文哲等俱歿于陣而先生獨奏

凱旋論功擢廷尉

誰奏平西第一功。漢家廷尉重于公。心憐舊雨遺

紈扇。身出重圍感塞翁。皓首軍機雙鬢雪。高冠孔

翠一翎風。遙知清瘦書生貌。畫上凌烟便不同。
原注以公

軍功 賜孔雀翎圖形內府

殺賊金川當壯遊。寶刀光裏萬貔貅。雲山看到中

華外。鼓角聽殘白帝秋。半夜天星摧上將。一軍風

鶴起深愁。斯時代作孤臣想。可有生還二字不

且喜謀叅李藥師。生擒頡利返牙旗。手書露布三

邊讀甲洗銀河萬馬知草檄已完孫楚事從軍應
賦仲宣詩何當洗耳華堂上聽說蠻溪苦鬪時

山效贈吳將軍

有序

上客文將軍吳士勝從威信公征金川三戰皆捷
金川勦金川奪氣將軍請往降之袍而騎酋長橫
官軍發刀來迎將軍徑入虜帳笑曰暮矣索枕卧
批甲卸鼻鞫甚酣旦召諸酋責以大義譬曉之
天奴西諸酋齟禁不得語乃椎牛行炙蠻舞雜進
定約正月六日詣大軍降凱還

天子召見勞以酒擢官總兵癸酉二月挂

蘭言集

卷一

十六

冠奉八十七歲老母歸西川余相見於秦
淮酒樓上聽述前事喜而贈詩

天威西討莫離支有詔將軍匹馬飛萬種頭顱
堆甲帳九邊風色試征衣能教鐵勒驚三箭不用
官軍殺一圍半夜雪花如掌大硬弓還射白狼歸
金川誰築受降城單騎從容自請行潑水刀光迎
上客吹燈虎穴聽鼙聲捧盤香火朝剗耳傳箭江
山夜罷兵椎盡肥牛三百隻歸來殘月在西營
閃閃紅旗海色開妖星半夜掃龍堆闔門泥首張
嬰出滿耳夷歌朱輔來旅矢長韜還武庫金瘡不

裹上雲臺。男兒此處難消受。

天子親斟酒。一杯。

尊前老去霍嫖姚。能使單于謁渭橋。百戰餘生依膝下。五湖歸計趁春潮。黃金甲冷斑衣煖。烏鳥情深劍氣消。只恐雲中需魏尚。未容采藥戴金貂。雄健高華

誰謂先生不學七子

謝趙耘松觀察見訪湖上兼題其所著甌北

乍投名紙已心驚。再讀新詩字字清。願見已經過

半世深談爭不到。三更花開錦塢登山宴。竹滿雲

蘭言集

卷一

十七

樓借馬行。待到此間才抗手。西湖天為兩人生。

集如金海自雕搜。滿紙風聲筆未休。生面果然開

一代。古人原不占千秋。交非同調情難密。官到殘

棋局可收。我倘渡江雙漿便。定來甌北捉閒鷗。

謁史文靖公墓

手供蘋蘩當束修。先登華屋後山邱。九原尚想師隨會。一疏曾經識馬周。蓋代勲名雲影在。滿堂絲竹水聲愁。知公泉下猶憐我。如此英年也白頭。原注公為

已未館師乍見喜曰如此英年命擬奏疏一通夸為第一

馬嵬

莫唱當年長恨歌。人間亦自有銀河。石壕村裏夫
妻別。淚比長生殿上多。
到底君王負舊盟。江山情重美人輕。玉環領畧夫
妻味。從此人間不再生。

再題賈太傅祠

一別先生五十年。洛陽年少也華顛。自憐枉受吳

公薦。白首重來意惘然。

語意
蘊藉

事定方知石畫高。徙薪端不動弓刀。如何七國連
兵日。不祀長沙一少牢。

一篇鵬賦斷聲聞。看破浮生水上雲。只恐魂歸還

蘭言集

卷一

十八

痛哭千秋幾個漢文君。

浙東野廟甚多賽會甚盛戲題一絕

歌斜野廟徧山阿。嘈雜神絃唱九歌。消受香烟管
何事。人間木偶福偏多。

儲麟趾字梅夫江南宜興人乾隆己未進士官

宗人府府丞

先生頗賞余制藝以為思英筆銳而製局謹嚴
極似吾家中子今白首無成鈔先生詩不禁慨

然

張公洞

石洞破山腹。驚雷飛玉龍。採藥一仙去。至今呼張
公。魚梁噴珠沫。靈響疑笙鏞。初猶索火照。徐乃天

戶通振衣上層。登雲影盪塵胸。竒石蹲獅虎。山花
無春冬。出洞已巔頂。指點數諸峰。歸路躡鳥道。彷彿
疑仙蹤。

西溪即事

溪上露華白。舟行破清曉。林端隱缺月。煙際出叢
篠。渡筏漾碧沙。漁罾倚紅蓼。逢僧問前路。舉步疾
飛鳥。

清遠似
柳州

巫峽

百里天如線。雙崖石作門。孤城懸落日。中峽礙浮
雲。神女朝為雨。長松夜聽猿。千秋愁客過。灩澦攝

卷一

十九

驚魂

上元夜宿霍山書院有感

團圞不負上元期。客裏臨風醉一卮。呵手暫教揮
凍墨。剪燈特為寫新詩。鳳凰窩小驚枝鵲。馬鬣封
頽。臥塚狸。故國京華兩愁絕。月明孤館未眠時。

漢州道上聞蟬

金鴈橋邊枕曲流。幽篁千畝碧烟稠。巴西候比秦
中早。一路蟬聲到漢州。

唐音

俞掄文字元度號蘭野江南涇縣人雍正壬子

舉人著有蘭野詩鈔一卷

兄穎存曰蘭野五古原出
建安風骨高道而閒淡自

然復與陶公相近劉挺卿寥寥
數篇遂有千古詩固不在多也

魚脫網

終日河邊立。舉網無一魚。頭髮半黑白。蒿目但歛
歎。從旁觀者久。汝事何太踈。水深裳衣濕。無事空
躊躇。二客那得知。我本事詩書。薄田數百畝。家中
頗有餘。一旦付河伯。征輸復不除。自顧無生理。聊
事此清渠。盍且具災傷。給口可緩糧。我欲叩縣官。
縣官如虎狼。但自肆吞剥。那管人災傷。此言一出
口。禍機慘已藏。一客顏忸怩。一客意旁徨。二客默
無語。歸途循夕陽。去去一客返。汝言大不祥。若為

蘭言集

卷一

二十

汝父母。汝言肆顛狂。不知不足罪。若或不能忘。問
君汝胡為。云是府正堂。長跪謝公祖。淚滿頭下搶。
便可作歸計。母或致倉皇。寒風入夜急。惡役鳴銀
鐺。周遭四搜尋。盡室去他鄉。太守一言示。涸轍離
困湯。太守者誰氏。李公名本樟。兄穎存曰通篇叙次城去
問答痕迹而淋漓嗚咽一

片神行中間一客顏忸
怩二句是一篇眉目

館中聞次第次侯抱病

兄弟本四人。聚處不為多。各自厯衣食。終歲事奔
波。材智均樸拙。樸拙轉無頗。相彼庭前樹。花葉相
倚那。譬彼同林鳥。散去復歸窠。如何舊歲冬。一鳥

奄蹉跎。折我良手足。劬勞苦蓼莪。昨日得家報。次弟嬰微疴。相視不能語。展轉不能叱。微疴豈足患。傷弓鳥畏羅。樹葉方凋動。馬不驚斧柯。急筮得風。渙破涕成嘯歌。衰年戀骨肉。憂喜當如何。

釣魚

記得年少日。學人弄釣竿。釣得一鯉魚。釣絲幾不完。魚長約滿尺。奮激奔前湍。欲棄功盡廢。欲振絲力單。委蛇任其性。隨竿上前灘。劣馬不就銜。力盡則服鞍。民情欲速化。太速則傷殘。治民如治魚。漸摩近自然。節拍入古

蘭言集

卷一

二一

諭子課諸孫

我生本微寒。詩書是吾故。祖父所留貽。斯道未可去。亶、此三孫時。我念之大者讀三經。小者誦毛詩。幼孫方在抱。骨格頗相宜。少成若天性。教誨安得遲。明珠生蚌腹。美玉蘊水涓。琢為圭璋器。用作廟堂資。我雖老蓬華。困躓無能為。家世夙長厚。或者其在茲。天道有變易。人力自肩仔。教子勝黃金。斯言不汝欺。

沈行泰字碩來江南涇縣人諸生所著有破窻

吟碩來苦心孤詣自言不知為唐為宋但以不經人道為佳然其源實出宋人當其意得詞從先與劍南為近生平著作甚多

後散佚其族孫名長庚者為夏集百餘首刻之
碩來嘗與余族中一老人同賦背面美人題老人詩先成有句云舟中西子歸湖日馬上昭君出塞時碩來自以為不及遂止不作然此二語格韻俱俗非碩來比而碩來為之閤筆可以想見其刻意求新之致也

立秋夜

何處秋來早。庭飄一葉輕。乍驚羅袂薄。獨伴竹燈明。暗雨低螢照。微風變樹聲。未須怨搖落。萬象入

詩清。

五六銑有風格在集中為變調

次韻答趙頴存

隨緣聊寄跡。底事歎途窮。紙破窓邀月。簾歌竹引風。書裁蕉葉綠。醉卧草花紅。此意無錢買。偏多陋巷中。

蘭言集

卷一

二二

病牙

寧同齧齒供人看。坐坐行行搥未安。病與貧宜餐粥好。愁兼痛結解頤難。欲敲詩字聲殊甚。若說人情咬更酸。四十年華感搖落。如兒那得返童丹。
曩龔生新

溪上

無可矜名合隱名。舊時甲第幾沉淪。售書只當遭秦火。對竹常如接晉人。水去水來都到岸。花開花落自隨春。年年溪上閒吟眺。盛世偏宜有逸民。

感懷

風波無際欲沉身。一日開顏十日顰。七葉棣華留

弱蒂。八旬萱樹願長春。青蚨不用金。皆土白首無名草。亦人事尚如麻。吾已老。鏡中驚看髮如銀。五六

而語

警 謝伊新正。不盡。...

鄉人盡說過年難。一度春風又放寬。月坦引兒排

馬陣。花村搗鼓鬧儺壇。比鄰傳食情多洽。連日餘

醒興未闌。小立門前候風信。雲箏響徹夜燈殘。起

蘇醉腰痛

舊病年年盼入春。春深還笑病添新。無官未屈何

曾折似。護求前竟莫伸。欲自卷舒難適意。與人卑

蘭言集 卷一 二三

曲免遭。嘆閒居好事多耽悞。聞說梅開一愴神。早

早睡

蔬摘家園佐晚餐。脫巾小沐就湯盆。病脾過食翻

成倦。老眼攤書便引眈。斗室燈明垂白帳。殘春雨

久冷黃昏。只愁睡早醒還早。孤枕啼鴉更斷魂。

遣兒貿易

儒冠誤我守遺編。養汝艱難得廿年。書不療飢香

忍斷貧。如脫俗骨猶仙。非言會計能爭命。到處存

心可問天。去去無容更長歎。秦奚端比老生賢。

梅花雪

花飛五六破春荒。笛裏新歌韻繞梁。兩艷并來塵不染。一寒至此味都嘗。淡迷村落疑無路。白盡山橋忽有香。自是天生清冷伴。吟詩別待孟襄陽。
夏日幕溪留句與寰宗上人

不勝疲倦日高眠。偶憶名溪興勃然。槐蔭風留人坐地。稻花香泛水平田。斜陽陣戰瓜棚蝶。殘雨聲嘶樹塢蟬。惆悵遠公何處去。歸樵影亂石橋邊。

即事

雨寒天氣暗朝暎。陰壁新生綠蘚痕。好酒常沽難避市。愛僧數過不關門。書因病懶塵多積。詩為愁

蘭言集

卷一

二四

吟稿少存。又道鄰翁明日約。花村社鼓賽雞豚。頌來高才

不遇困窮愁苦並發之於詩而旋作旋棄不自收拾第六語蓋自道其實

春居

家常最好是春時。半畝園居事事宜。雨打椿香新煮筍。煖分韭本間栽。葦飯餘結伴看花去。醉後扶筇踏月遲。自怪閒中少工課。奚囊空有幾行詩。

傷春

午倦拋書卧竹床。鶯啼夢醒鴨爐香。重門不鎖春光住。冷雨踈烟落海棠。

江恂字宇九號蔗畦江南儀徵人乾隆癸酉拔

貢生官至徽州府知府著有蔗畦詩彙二卷

沈歸愚先生曰蔗畦詩氣清才麗法老格高凡登臨憑弔友朋贈答以及小小賦物胸襟所觸永嘆流連灑然出乎塵埃之外 陳千秋先生曰蔗畦落筆脫去時蹊險而不僻苦而無跡意不狹俗句不驚人不屑為也 先伯祖星閣公曰蔗畦良吏第一亦廉吏

第一文行之優近古少比非獨以詩鳴也

由古渡橋泛舟紅橋雨過西圃用林壑欽暝

色分韻得色字

興至駕輕舸。城南轉城北。沿綠荷。芰香蕩漾菰蘆白。風生涼滿襟。雨過秋一色。何妨野鷺綠。更憇幽人宅。市遠地自閒。意靜言亦寂。竟日成清娛。冥冥水烟夕。

蘭言集

卷一

夢五兄

一室燈影殘。統如鼓初歇。斷鴈愴懷思。夢境見恍惚。顛顛生時顏。嶮嶮病時骨。咽淚恐悲觸。口中含石闕。執手默無言。音容倏將沒。遽起攬衣裾。晨窓正明月。真摯

雨後遊寶峰

去年上銅峰。茲山亘其背。望之若無奇。意盡不復至。孰知渾灝中。一一擅幽異。譬彼蘊藉人。胸羅無量智。未易涉其藩。詎許齊厥歲。平生多覺浪。大率與此類。今來過山麓。猛雨適新霽。山雲似相招。登

陟。脚。一。試。千。峰。洗。塵。容。磔。卓。逞。姿。媚。流。泉。百。丈。垂。
飛。素。裂。寒。翠。懸。崖。望。欲。傾。瑠。瓊。列。萬。彙。崖。窮。境。亦。
絕。一。竇。儼。穿。隧。竦。身。出。井。鳥。發。語。鳴。甕。持。腸。盤。雙。
脚。勞。目。豁。衆。情。慰。始。信。別。有。天。轉。訝。頃。入。地。講。院。
隔。僧。廬。樓。閣。巧。位。置。高。堂。敞。虛。寂。老。鶴。叫。松。檜。丹。
鉛。燦。兩。廡。規。誠。發。淬。厲。緬。懷。堂。中。人。嚶。嚶。尚。其。志。
原注趙星閣先生嘗主講于此背。後。玉。屏。峰。矗。立。周。護。衛。一。水。貫。巖。底。
轟。輶。昧。崖。際。何。人。識。仙。源。摩。崖。獨。題。字。隱。伏。凡。屨。
經。端。委。殊。可。會。開。窓。對。九。華。高。高。排。螺。髻。妙。境。難。
為。誇。勝。賞。不。在。細。躍。龍。興。跨。鶴。牽。合。徒。瑣。碎。兀。然。

蘭言集

卷一

二六

望。銅。峰。頓。判。熊。魚。嗜。歸。途。復。雷。雨。急。若。翻。盆。甌。衆。
派。趨。壑。流。飛。瀑。定。增。勢。翻。悔。下。山。忙。奇。勝。不。獲。對。
中間摹寫如繪後幅妙境二聯最得論山之妙一結更留不盡此山之奇蓋實有不能盡形諸筆墨者

雪中分詠得穹廬雪

穹。廬。雪。嚼。復。咽。羶。毛。已。盡。雪。不。歇。雪。能。冷。骨。不。冷。
心。十。九。年。來。長。自。熱。風。沙。大。地。慘。無。春。只。有。手。中。
之。節。凍。不。折。君。節。臣。執。臣。不。辭。臣。歸。君。薨。君。不。知。
淚。零。紅。雪。吞。不。得。灑。在。茂。陵。松。柏。枝。
西崖西堂有此風調無此奇偉

天長道中二首

遲。曉。巾。車。發。微。陰。百。里。程。依。人。白。鳥。下。夾。道。綠。蕪。

平野寺和雲開。春田帶水耕。悽悽在行役。明日又清明。

一雨郊垌遠。風來不動塵。村荒珍薄酒。路僻恐行人。馬向危橋外。春從野燒新。今來三過此。回首易

酸辛。

原注庚戌侍先子壬戌扶先子觀今復展墓

鴈落山莊有懷七兄漢上

歷歷南歸鴈。緘書望杳然。花時同作客。鄉思獨經年。旅夢知頻返。清光盼屢圓。何當寒食近。來此對牀眠。

別峰庵

蘭言集

卷一

二七

別具一峰秀。柴關鎖翠筠。巖深疑有雪。樹老不知春。敞幃時穿雀。枯僧冷畏人。結茅依此住。應許證前因。

送吳葑田歸溧水次留別韻

飄零誰惜苦吟身。襆被蕭然未改貧。幾夜燈花憎客夢。一江風雪送歸人。樽前鴈過頻催臘。別後梅開又換春。莫便棲、感微養。團樂足慰白頭親。

吳門歸舟

矮几臨窓筆硯安。居然風味似吟壇。上遲明月推蓬待。行過青山背面看。迎社雨添春水碧。落燈風

颺釣絲寒。此間轉得便踈懶。翻笑還家鍵戶難。三四

望采石磯

草枯丹嶂夕陽明。拔幟先登半壁傾。種菜王孫零

落久舟人指點說開平。

入梅鏐字石居號青谿江南宣城人今籍江寧諸

生所著有半千閣詩鈔

石居精賞鑑工篆隸詩不苟作然每一稿出宗工哲匠無異辭

也

和趙琴士見贈讀天發神讖碑釋文之作

斗室恍惚倚依摩崖碑。中出劍子戈矛森目怵風

雨慘淡走蛟龍。攫而綱之援以荅。顧左盼右口期

蘭言集

卷一

二八

期字順文從得一日。既召其魂問其魄。尊經閣下

三人質

原注余邀琴士及懷平鄧石如睇觀數日

排列儼如周石鼓。九除其六

十去七。兩段如砧平有截。圓頂當中歧髮髻。當其

輦致幾專車。丈六全身思仡仡。三十指隨六目視。

撫摩疴癢悲痛疾。愛憎評隲爾何與。剝膚刻髓和

人計。君不見祝融峰上幾人至。茫茫空歎神縱蟄。

又不見野火已焚李斯篆。惆悵榛蕪想收拾。吁嗟

此碑禮門義路相出入。徒看博士弟子先生揖。三

段既合符。臨摹稱具體。鄧子執筆名。姓紀癸卯新。秋越乙巳淋漓大篇有美琴士愧我為詠赤烏皇

象都官之孫子。

余詩實作於癸卯乙巳重至金陵石居始得見之故有癸卯新秋越乙巳之句

謝啟昆字蘊山號蘇潭江西南康人乾隆庚辰

進士官至廣西巡撫所著有樹經堂集

先生應制諸詩

足為多士樞楷各體詩不多見而吉光片羽要足為世寶貴也

台州勘災紀事

嘉慶二載秋七月。耿耿銀河出復沒。牛女之次台

階旁。有風鼓自土囊穴。初從大塊發噫氣。旋翻圓

嶠鬱蓬勃。舸艦如山浸黑洋。魚龍奮鬣驕白日。飛

廉布陳鳴喧。天瓢覆雨灑倉猝。排山萬馬驅潮

來。嘉禾盡偃木斯拔。保抱携持遺老稚。鬼哭啾啾

蘭言集

卷一

二九

及枯骨。豈惟茅茨捲三重。但見屋瓦飄百室。牢盆

失利空白波。竈戶無炊剩黔突。曰臨曰黃太與寧。

沿海居民遭蕩析。怒聲幸逢孤嶼止。猛勢不向温

溪折。太守飛牒告大吏。敷奏于

帝語皆實。我職旬宣亟命駕。星言不辭道路躓。周

巡回浦厯章安。甌國村墟一覽畢。其人樸儉安耕

漁。其俗峭厲尚剛烈。爰頒帑藏載後車。分遣椽屬

勤撫恤。萬間未暇庇廢廈。一椽可補當慈筏。載以

舟楫資糗餌。要使軀命得生活。烏葬火瘞非常經。

掩骼埋胔用仁術。耕不餘三民乃咨。徵緩其一政。

有秩。去秋此地亦風災。秔稻尚未被漂泊。今歲西成已失望。未可拘牽泥一律。方今

聖人大澤施。勿使方隅一夫失。租賦屢荷蠲。萬億粟帛况又頒。髦耄太倉有積。因陳陳升斗。何曾計屑屑。海墾地瘠。鮮蓋藏。民生苦窳。謀竭蹶。上則下則有等差。民田蕩田豈區別。我慙膏雨歌黍苗。忍令斥鹵納穗秸。祇宣。

上德布仁風。匪博羣黎誦。生佛澤中鴻。鴈集無哀海上。雀符殲可必。委曲周詳上宣。仁德下及民風無不盡之意。

水碓

蘭言集

卷一

累石截飛濤。機心學桔槔。米舂雲子白。水激月輪高。鴉軋聲相亂。循環柄自操。回思荆布室。相杵太

幼勞。三四最
有風格

令

限
有
粟
望
入
百

江南涇縣趙紹祖琴士手鈔

男國楨孫同璋全校



姚鼐字夢穀號號姬傳江南桐城人乾隆壬申進

士官刑部郎中著有惜抱軒詩集十卷

先生人品方正

峻潔足為一代楷模古文學於劉海峯得方靈臯正傳考据精確而持以正論於漢唐宋諸儒無左右袒詩不甚多而古今體並能吐棄凡近力追前賢嘗與人論詩有云將掃凡與庸畧示白與甫可以見其步趨之所在矣

漫詠

子長千古士。被難身何窮。悲哉百年後。毀譽猶不公。孔子錄小雅。怨誹君子風。美善而刺惡。史筆非

蘭言集

卷二

一

不忠。文園為令客。竊資自臨邛。將死勸封禪。佞諛以為工。文章兩司馬。擅為西漢雄。人君取士節。優劣安得同。如何永平詔。抑揚恣其胸。宜乎朝廷士。進者多容。所以歌五噫。邈然逝梁鴻。論古有識用筆亦堅潔自喜

述懷二首

門有吳越士。橋首自言賢。束帶迎入座。抗論崇古先。標舉文句間。所守何幾。誹鄙程與朱。制行或異旃。漢唐勤箋疏。用志誠精專。星月豈不輝。差異白日懸。世有宋大儒。江河容百川。道學一旦廢。乾坤其毀焉。寄語幼誦子。偽論烏足傳。星月一聯論平允而語精當必知此

方可以言
考据之學

昔者先端恪實作虞廷士。質對與神明。非邀矜。怨美一端。或自咎。中夜輒懲。詎當時網信。疏奸猾。亦哀止。先朝忠厚統。所垂良遠矣。自是百年來。法家常繼軌。刑官豈易為。乃及末小子。顧念同形生。安可欲之。死苟足禁。暴虐用威。非得已。所慮稍刻深。輕重有失理。文條豈無說。人情或不爾。不肖常淺識。倉卒署紙尾。恐非平生心。終坐再三起。長揖向上官。秋風向田里。

文條一聯為刑官者皆當書紳

田家

蘭言集

卷二

二

昨宵雨未足。劇畦俟南塘。果聞北山雷。檐溜夜已長。開門陰正重。匝地垂千楊。朝日尚未升。風條自輕颺。環村水盡白。丹杏獨含光。荷鍾向隴上。但聞土膏香。鄰里盡言好。吾欲良亦償。勤劬待一飽。四體誠安康。相與不相負。莫若種稻梁。

此首頗有陶意

山寺

四山動。秋響高。林黯將夕。披雲度寒榛。暮陰下前壁。寺門風蕭。飛葉滿巖積。箬嶼暗深溪。淙鳴出穹石。想見谷口外。落日遠峯碧。一磬流烟中。萬壑抱檐隙。豈無湛冥人。於茲衣蘿薜。初月輝易盡。悵

望遂停策。

此首又似二謝

錢舜舉蕭翼賺蘭亭圖

萬壑千巖當坐起。斷取越東山百里。世間不見永和人。長有春風當曲水。滄海日高開寺樓。樓上當窓僧白頭。越僧世得鍾張法。頭白朝朝摹襖帖。扣門客坐軒楹風。茶香酒煖笑語同。致君有道堯舜出。訪古無人羲獻空。頻說法書日西宴。蕭郎縮手心無限。老僧抵掌僧雛睨。似謂慢藏旁欲諫。語卿且勿諫。懷璧不可居。御史稱有詔。明日將登車。長安再拜陳玉除。歐虞俯首愧不如。年往運謝五百

蘭言集

卷二

三

餘錢生染筆中。躊躇石床閉。絕昭陵夜無復人間。第一書。諷刺意令人於言外得之

酬胡君業宏

我如游雲出廬霍。千里飄飄向京洛。黃山西畔初別君。溪流飲馬桃花落。江南花落幾春風。羈思漁陽飛塞鴻。今年乘舟玩海月。片帆淮甸搖晴空。西尋廬阜彭蠡側。拂袖千峯萬峯碧。仙人一去白雲秋。明月無心照石壁。遠公東林寺。徐孺南昌宅。寒草蒼烟昏似積。我對青天空太息。丹楓十月凋南州。雨聲寒抱章江樓。登高把酒忽相遇。昔君頗料

蘭言集

卷二

四

如今不明月寒胎耀當代。楚堂沈淪媚幽彩。人間得失似浮雲。且對江山吾輩在。清詩一唱碧霄間。五色餘霞散湖海。湖海西風萬里吹。酒闌明日各天涯。青山挂席余將去。嗟爾塵埃玉樹姿。今同立入。昔歲除日與子穎。登日觀觀日出作歌。泰山到海五百里。日觀東看直一指。萬峯海上碧沈沈。象伏龍蹲呼不起。夜半雲海浮巖空。雪山滅沒空雲中。參旗正拂天門西。雲漢却跨滄海東。海隅雲光一線動。山如舞袖招長風。使君長髯如虬龍。我亦鶴骨撐青穹。天風飄飄拂東向。拄杖探出扶桑紅。地底金輪幾及丈。海天雞纔一唱不知。萬頃馮夷宮。併作紅光上。天上使君昔者大峨眉。眉堅光澄滑乘如脂。攀空極險才到頂。夜看日出嘗如斯。其下濛濛萬青嶺。中導江水而東之。孤臣羈迹自歎息。中原有路歸無時。此生忽忽俄在此。故人偕君良共喜。天以昌君畫與詩。又使分符泰山址。男兒自負喬嶽身。胸有大海光明暎。即今同立岱宗頂。豈復猶如世上人。大地川原紛四下。中天日月環雙循。山海微茫一卷石。雲烟變滅千朝昏。馭氣終超萬物表。東岱西峨何復論。變化縱橫風骨道上

題唐人關山行旅圖

風動

天

亂山奔如濤。急水高如山。千山萬水不可度。况有倚天絕地之雄關。終南東走洛與宛。劍閣岷嶓天最遠。山頭日落關前晚。青烟滿地黃雲返。棧中馬足躡重雲。巖底車聲行絕坂。後有輿從前建旄。孤駝席帽絲鞭操。負擔汗顏賤且勞。耳邊不斷風騷騷。猿鳥悲嘯兕虎噪。青楓苦竹密霧塞。仰首始露青天高。林開地濶春波綠。商舶漁舫牽纜續。嘉陵江水下渝州。愁聽巴人竹枝曲。不道曲聲悲且說。含辭苦山頭十日九風雨。君王腸斷為零鈴。行路誰能不酸楚。路草巖花秋復春。關山猶有未歸人。丹青寫盡關山怨。千古行人行不斷。將身涉險豈非愚。不及田間藜藿飯。或言男兒桑弧蓬矢射四方。那得日在妻孥旁。樵夫隱士同一谷。英雄賈客借征行。士生各有志。未易相評量。亦有進退無不可。出亦非見居非藏。蒼生自待命世者。豈必棲棲求異鄉。

音節頓挫自然入古

題張篁村萬木奇峰圖

天

天

一峰崛起天當中。撐拄元氣開鴻濛。左右闔闢兩巨壑。徑路各絕風雲通。松風遠自雲中起。搖蕩雲

光山色。裏水交山。斷置人家。松響溪聲。動窓几巖
高。谷迫居無鄰。松林有路。無行人。豈非高士嘗避
秦。自此千載無問津。又疑靈境與世隔。乃是天地
神物之所珍。我家龍眠東。西望兩谷口。每至夕陽
時。嵐光紛照牖。日月逝矣身今衰。芒屨竟隔青崔
嵬。卻尋圖中幽谷。到窮處。忽有數峰天際來。張君
畫山最得古人妙。俯視百年畫史皆塵埃。人家收
得尺絹素。屈指不數王麓臺。何況林卉與翎羽。擾
擾俗工何足取。韓幹戴嵩堪障壁。徐熙周昉遺兒
女。落落平生山水情。移將看畫亦眼明。於今安得
張君死復生。與余結茅共對青山青。

蘭言集

卷二

六

如何。

盛唐
風格

宿德化縣

南行三百里。舉首白雲端。大壑連陰靄。中天峙碧
巒。夜潮千嶂閉。明月九江寒。更就東林宿。蕭條鐘
磬闌。

平原咏東方生

陞戟千官列。衣冠九尺豪。滑稽通強諫。辭賦變離騷。車就公孫借。家令少婦操。惟羞齒編貝。長對口無毛。

無毛。傳云萬禿。出蕭關黃河。白髮。以資氣。清氣。春。山藏春穀堞。岸折石城船。白髮尋前路。青春似往年。落花江館雨。叢樹縣樓烟。未逮忘情者。臨風故黯然。

鷺峰寺

寂寂青谿水。蕭蕭祇樹園。江潮春入郭。海月夜當

門。銀杏風前活。此樹已枯復榮金容世外尊。殿中佛像猶江總捨宅時所造陳隋

蘭言集

卷二

七

銷落後來聽道人論。

送一青歸因寄仲郭

與君兄弟夙相依。洛下今年遇陸機。天末四愁思莫致。秋來九辨送將歸。行窮南汶山初見。吟到澄江葉盡飛。若把迷方語鄉里。更憐心事卜居違。三四工妙

出塞

連營鼓角夜星環。掣甲弓刀曉露閒。列障三邊開幕府。勒兵萬騎出蕭關。黃河日落人旋渡。青海春深鴈未還。聞道南庭先效順。輕車齊會涿邪山。雄健

榆中

直北天低見磧山。黃河南下曲如環。白榆夜雜雕
戈戍。青草春稀牧馬還。寒吹滿空雲出塞。暮天無
色日平關。千秋猶對秦時月。多少功名大漠間。

邳州

遼澗山川縱遠遊。又歌風帽過邳州。千秋遺蹟尋
黃石。一片寒陽下白樓。難得真龍逢漢帝。易將窮
虎縛溫侯。英雄潦倒尋常事。惜與曹瞞作畫籌。
慷慨悲歌

足令元龍心死

過汶上弔王彥章

楊劉兵度大梁危。飲泣猶當奮一麾。亂世烏飛難

蘭言集

卷二

擇木男兒豹死自留皮。天連白草橫殘壘。日落陰

風擁大旗。莫問夾河爭戰地。渾流徙去黍離離。
第三語蓋

鐵鎗出脫亦是平情之論

懷程魚門舍人

淮南倒屣盡賢賓。綸閣今稱老舍人。潦倒青春長
似醉。交遊白首每如新。一椽託足終何處。四海知
髯故絕倫。惟有詩情渾不減。獨吟今夕莫傷神。

出金陵留示故舊

又向青谿十日留。依然雙闕望牛頭。交遊聚處思
移宅。哀病行時愛棹舟。蕭寺風多長似雨。後湖烟

澹總如秋。摩揩老眼僧書內。不為興亡作淚流。三四入情

濟南城東酒樓憶亡友馬牧。濟汶河垂柳萬枝輕。把酒高樓對馬卿。十四年來兩行淚。春風重過濟州城。

趙承旨天寒翠袖圖

冷落山花間竹竿。誰言空谷異長安。態濃意遠無人見。自倚天風翠袖寒。

胡承譜字韻仲號元峯江南涇縣人乾隆壬申

舉人官廬江江寧訓導所著有元峯詩鈔四

卷先生嘗與家穆庭師賦尋梅品梅憶梅等詩往復數四層出不窮官廬江時取其地古蹟時事作樂府數十餘首並古雅絕倫

蘭言集

卷二

九

既病廢於家詩酒之興不輟余刊涇川叢書成先生時年已七十餘猶賦四十韻見寄蓋其才大而垂老不肯廢學如此真是為後生之模楷也

總甲爺

查賑合肥紀所見聞

戚之復戚。總甲來造冊。囊空無一文。何以謝總

甲。上覆總甲爺。除我飢口名。今冬何以活殘生。上

覆總甲爺。入我飢口名。惶恐不敢高作聲。上覆總

甲爺。憐我無錢容我長跪總甲爺。大怒而起。俚而雅

小孤山

艤舟馬當山。瞥見小孤影。烟雨互明滅。隱現無常景。篙師侵曉發。揩眼恣所騁。巉巖露山首。屹峙

江永雖云削凡體。竒妙殊未領。美人看背面。玉顏失修整。卓午天霽開。微風牽舴艋。正襟坐蓬窓。靈異現俄頃。單林不連陵。披拂多苓箬。雲鬟何窈窕。螺髻亦葱靚。延佇望儼然。鵠立氣俱屏。紛紛世上兒。好事妨貞靜。何物是彭郎。善謔理宜省。荒唐交甫儔。輕薄陳思併。綺語作神羞。偷俗良足警。再拜薦溪毛。邂逅一回頭。山靈倘鑒余。毋以石尤梗。平生仗忠信。他言不敢請。

正言莊論一洗佞薄陋習足令山川生色

乙亥壬午歎

有序

明崇正八年乙亥正月獻賊自巢縣由盛

蘭言集

卷二

十

家橋至廬江縣縣令泣任數月集守無備賊自南門水關入城陷遇難者訓導李兆旂鄉紳盧大叅等十四年十月賊復由舒城盤踞四鄉焚掠半載次年壬午八月城再陷千丁之族存者無幾

有明亡以甲申年嗚呼明亡何待甲申年鳳陽陵寢國根本上書不報真可歎坐使闖西獻東殺人如麻天地昏斗大龍舒城濱江一彈丸黎赤實何辜塗炭孰使然壬午之秋乙亥春舊鬼新鬼啼酸辛初從橐臯來鞞鼓煽妖氛南門盧御史東門柳

生金北門張二宿西門呂渭濱四語係土人諺語今載廬江縣志儒門

司訓皆能軍不竄而死以身殉斷脰絕吭無逡巡

鶴鷓鳴不止鵝鷓迭銜寃天心未厭殺覆巢卵無

完封豕長蛇食四鄰人為野火馬轉燐藐爾一區

城再破雲漢子遺靡有存挑燈閉前志目慘聲為

吞含涕問故老傷心不忍言後二三年明亾矣嗚

呼明亾何待甲申年

文信國書明德堂歌

學宮中有明倫堂而獨應天書明德應天府學今改明上元江寧二學

倫明德道則同誰與書者文信國信國昔作正氣

歌嘗百回讀淚滂沱攝衣升堂覲公字沛乎浩然

曜太阿公之古誼若龜鑑忠肝若鐵石自其弱冠

登第而以得人賀宋三百年臣一个是時天步正

艱難提兵淮海陣雲寒萬死累臣餘碧血孤魂絕

徽着黃冠嗟公一生無煖席流離瓊尾無終極那

有餘閒作此字使我稽古三歎息太息地維天柱

賴公存惟公正氣塞乾坤克明明德培本根成仁

取義至剛大虎卧龍跳並道尊嗚呼信國往矣此

書垂登堂恍見公鬚眉戟門上有泮宮額徽國正

氣同扶持儒學門外有朱文公書泮宮字井闌干銘玉兔字奸相泥塗

千古累學宮內有井秦檜書玉兔泉三字刻影尚存流芳遺臭各為之一樹冬

青卷朝翠兄穎存云局勢開廓筆力遒勁自是韓蘇嫡派

過灘

五月河乾舟阻開。閘門高似瞿塘峽。六月河乾舟阻灘。百步一灘行路難。檝倒檣摧不可渡。舟子停篙灘頭住。候聞尚有開閘時。璫灘不行力安施。我今作詩志小蹇。仰視灘流如疊嶂。打鼓發船會有時。世事迤邐應須勉。

古風一章次韻答元音十弟

鐵檠閃閃光轉燭。二九競逝白駒速。薄宦歸來兩

蘭言集

卷二

鬢華大病不死興偏足。身世華落天所為。癡絕楊朱岐路哭。兒子餬口走四方。老妻黽勉供旨蓄。偃卧方山一敞廬。村釀過墻酒新漉。與爾小酌還續吟。醉墨不辭書滿幅。揩摩老眼尋古歡。堦下黃金綴秋菊。

得趙穆庭和余品梅詩却寄

公詩如美色。窈窕出花前。對影風歌竹。尋香月墮烟。高吟四十首。勝撥兩三絃。領畧芳馨意。真宜對榻眠。

長清道中

十八盤中路。三千里外人。好山孤夜夢。殘雪異鄉春。屢客村墟熟。長途僕馬親。壯心消未得。不敢歎風塵。五六自然

冬夜檢舊篋得施金門寄詩閱三載矣悵然有懷次原韻寄之

依舊蒼茫獨咏詩。奚囊搜索少新詩。鬢絲禪榻羈縻日。帆影江村野望時。楚客瑤華遲又久。佳人金錯報無期。衝寒幾度梅花放。每向檐前憶沈思。自注沈思

金門別墅名

登大觀亭

蘭言集

卷二

十三

大幕山連小幕山。大觀亭子蠹禪關。有人建纛桓俞後。許我題詩李杜間。下水帆檣通澤國。上方鐘磬出城寰。水西塔影斜陽外。絕頂丹梯俯首攀。憇天竺庵遲趙穆庭不至

大幕山頭鶯語歇。小天竺下梵聲閒。一簾花雨僧

留塔。原注詩僧寰宗已下世數載

十里松風客。欵關附葛捫蘿餘。我在蜻絲蛛網遲。君還何當瞥憶臨。潼令醉墨橫斜

粉壁間。原注壁間見趙靜暉同年詩故及之

立春後擬遊隨園先呈簡齋太史

石城勝地說隨園。惆悵無因一款門。文物可殊江

令宅風流應似謝公墩。其間簾幕多花影。幾處亭
臺漏月痕。問訊官梅香到未。尋香我欲待黃昏。三四
恰好

秋柳

蟬聲斷續醒殘夢。鴈影參差半落暉。北郭門前一
躑躅。小橋流水見依稀。元穎存曰於不着題處着
題含蓄悽淡語外獨絕

朱筠字竹君號笥河直隸大興人乾隆甲戌進

士官侍讀學士

先生督學安徽時嘗訓余曰讀注疏不得
過一頁習說文不得過三十字又曰即不
能徧通諸經但專力于一經而旁通者必多時余以母老在堂不
獲從先生遊且汨于時習不克負荷斯言年垂老而無成始悔于
厥心已非力所及矣聞先生著述極富皆未獲
見僅就友朋鈔得數章爰敬錄之以誌不忘

別太平諸送者

蘭言集

卷二

十四

滑、沉何深。諸生揖輿下。我以得士來。士得何為
謝。來此不四月。會見亦以乍。重感諸生意。道遠送
復迂。告爾讀注疏。努力大車駕。行、毋欲速。此不
得他借。文字音與訓。牙輻各有舍。一一致其用。如
御者得韉。識字以通經。要如水銀瀉。從之。人可由
初。攬後乃蔗。

諸生勿送。僕本多情身。三宿桑尚戀。何況冬徂
春。一上太白樓。再欵謝眺鄰。未嘗携險句。徑欲捫
星辰。惟有一片心。欲令士氣伸。學者當共勉。相與
成古人。生理在根柢。異文必騶麟。鸞飛與樹花。莫

盜春光新。此言未為迂。求實非其賔。重來絳幕語。

葆爾聰明真。意殷情真可當
箴銘二通讀

仲君兄官濟陽以詩寄兩弟即用韻答之

遊子行何所。遠望東山岑。無乃雙鯉魚。離別感我心。念兄初結綬。冬夏忽至今。白日曜庭柯。光景飛駸駸。中有四鳴鳥。引吭和清音。自從分飛來。何時得相尋。羽翼雖遠大。山海恐廣深。感君凌雲翰。拳拳思故林。

人生感至愛。何如伯仲深。一朝驤王路。去去不可

禁。况云行路難。宦途尤峇嶽。平生讀書時。風愆聞

蘭言集

卷二

十五

官箴。兄今區區志。豈以世態侵。念兄古孝悌。庭闈心所欽。二年故鄉土。節候多蕭森。小人信有懷。恐非君子心。

皇天何偏私。為善惟神歆。願言求民隱。疾苦直相尋。為政施孝友。仁者思其深。至愛苟不忘。何忍言鉄榘。比聞惻怛意。頗感東民吟。兄其勿遠望。終當同裋衾。慨然念先慈。母教無厲音。遺則尚不遠。以慰先人心。

瞿大程字雲九號依崑江南涇縣人乾隆庚辰

進士官始興知縣所著有抱瓮齋詩集

兄穎存
曰諸律

精當雅淨無一率句率字而氣體疎朗不以烹鍊損其自然之氣故宜為一時名流推賞

宿保昌署齋題蔣明府桐陰讀書圖

一官同海角談笑客情舒忽見江鄉宅疎林映玉
除行藏三徑竹歲月數函書載酒他年約芸牕一
啟予

百尺梧桐樹空庭落晝陰只今遊宦處還似故園
心松實餐飢鶴泉聲咽素琴梅花消息早應傍嶺
頭吟

滕王閣懷古

不關歌舞集華簪此閣芳名自古今風月漫勞騷

蘭言集

卷二

十六

客殿山川已盡昔人吟窓迷彭蠡千帆雨門聽章
江萬戶砧極目蒼涼搜往事緱山鶴馭碧雲深

過大庾嶺

蹇驢十載逐塵埃又向炎州問越臺驛有紅梅丞
不負原注嶺上舊名紅梅驛置驛丞峰當回鴈客還來原注嶺頭刻鴈
四人遠四大字溪橋

聽瀑時停策野店逢花且潑醅官道勿嫌噉沓甚
蒼然嵐翠望中開元穎存曰三
四對仗雅切

羅浮紀遊

有序

羅浮僻處惠陽廣袤五百餘里名峰四百
三十有二仙靈異跡不可勝紀余向讀志

乘所載輒為神往欲襍被一遊不可得既
官嶺南私謂且償夙願然羈于職守又未
能遠涉境外癸未委署龍川惠屬邑也羅
浮在其鄰疆竊喜曰茲山其有緣於余乎
博羅距羅浮不五十里而煙鬟霧髻遙映
蓬窓麻姑玉女諸峰宛若相招于霄漢間
者遂捨舟從之閱四宿而返探竒選勝僅
得其東南一隅而已姑就所至各紀一律
以俟他日裹糒蠟屐補前遊之未逮又竊

蘭言集

卷二

十七

歎詩瓢酒椀卒未能脫塵鞅適以博山靈
之一笑爾

冲虛觀

百年身合悟黃梁塵網偷閒到石房半榻松風丹
鼎沸一階春雨藥苗香朝真洞府驚龍簡餉客山
厨借鶴糧謾說捫心無偃骨人間原有白雲鄉

葛稚川丹竈

養就黃芽不記年洞門遺壘獨巋然流螢數點吹
餘燼嵐氣千重散紫烟石尚疑遺玉杵野樵猶
識種芝田只今肘後憑誰問瞰取泥丸是宿緣

原注
龜土

為九可療宿疾
道士常以贈人

衣冠塚

原注稚川弟子
取其衣冠葬之

何年解去馭鸞車。朱旆黃旄跡未遐。蝴蝶穿雲仙
蹕冷。芰荷颭水葛巾斜。山中白鹿猶啣藥。海上青
驄不憶家。委蛻本來無一物。憑將抔土付烟霞。

黃野人廬

原注稚川隸也服丹為地
行仙今山中或有遇之者

不隨旄節共朝天。故址榛蕪未忍捐。豈羨山中呼
宰相。但遊世外即神仙。幾千年後人猶見。四百山
頭何處眠。料得竹王兼木客。夜深乘月到廬邊。
五六變化

梅花村尋梅不得

原注村在玉女峯下
即趙師雄夢美人處

蘭言集

卷二

十八

仄徑傾崖傍水源。昔人曾此遇嬋媛。嫩寒村店難
成夢。淡月溪橋認返魂。驢背閒吟呼白墮。樓頭長
笛倚黃昏。獨憐玉女亭。立暮雨空濛帶淚痕。

流杯池

原注相傳八仙
聚飲流觴之處

藥珠宮裏醉羣真。修禊驂鸞向水濱。峰月倒垂三
島影。洞花流出五城春。投壺玉女剛臨鏡。賣酒麻
姑正比鄰。原注麻姑峯
上有賣酒田石上衣香渾可掬。蒼苔千載
寂無塵。

黃龍洞瀑布

龍舞延津劍。兩條化成雙瀑下。雲霄峰懸銀漢千。

尋浪樹沒錢塘八月潮晚帶風威掀洞石晴驚雷
響裂山腰却因衝斷羅浮界惹得仙人鑄鐵橋

相接處有石橫
跨兩岸號鐵橋

華首堊道士留宿賦贈

原注舊有五百華首
羅漢集此堊故名

周道峰繞協晨宮細路逶迤竹樹叢華首何從窺
色相黃冠猶解闡宗風古來陵谷雙瞳裏世上烟
花一笑中筍脯松肪留夜話平生踪跡尚飄蓬

諸詩
並對

仗精工修飾宏整是學
漁洋而不僅襲其貌者

白鶴峰懷古

原注東坡謫
惠州居此

落落乾坤一望收千年遺事問滄洲峯前鶴去雲

蘭言集

卷二

十九

封路嶺外人歸雪滿頭繞郭帆檣連漲海滿城風
雨接羅浮由來磨蝎能司命獨立蒼茫對野鷗

藍關謁韓文公廟

蒼穹有意啟蠻封桂嶺珠江秀獨鍾西極一時流
佛教南荒千古得儒宗壁圖雪嶺還迷馬堂擁雲
松欲化龍拂拭征衫供一奠紅塵何處覓高踪

允頤
存曰

三四精警
此題獨擅

朝雲墓

原注朝雲臨卒誦
金剛經四句而絕

分明泡影寄乾坤慧劍難除舊日惑草綠豐湖遷
客淚花殘瘴海美人魂生前羞作楊枝別死後猶

聞鸚鵡言。叅破六如終有恨。杜鵑亭畔月黃昏。
晚登韶州城有感

遊宦長年突未黔。孤城暫泊且登臨。郝隆休笑工
蠻語。莊舄何勞作越吟。帆影有無關樹晚。漁歌斷
續海雲深。故山迢遞頻搔首。况聽秋風送遠砧。
壬午分校粵闈與諸同事中秋看月分韻
高院分曹似結隣。論文杯酒趣佳辰。共憐蟾窟香
應滿。誰譜霓裳曲正新。十載淄塵消此夜。三條紅
燭憶前因。相期不負寒空色。一片冰心映玉輪。

紅鸚鵡

蘭言集

卷二

二十

聞說金籠放雪衣。胭脂應羨醉楊妃。何時供奉深
宮裏。乞得君王獨賜緋。

食荔支

海邦方物有誰同。不與葡萄植漢宮。風味祇宜驪
客共。嶺南曾不負坡公。

魯琢字研山號南莊江南懷寧人乾隆丙子舉

人官浪穹知縣所著有南莊詩鈔

研山先生筆力
雄健諸體具美

而五古鍾險鑿幽出入
韓蘇尤為人所莫及

清浪灘

兩崖劈青天。峭石中不斷。鬱礧五溪水。一雷霆

貫水與石盪摩。石亦化波瀾。上流如行雲。無聲落
高岸。綠淨不可唾。游鱗驚遠竄。下流破空走。皎々
挂銀漢。無風勢自豪。有雨響彌亂。其旁穿衆溜。細
碎等星散。萬古碧玲瓏。水乃石之鑽。垠隰小石子。
日射影璀璨。想見淘汰深。寶氣溢瑤瓏。始自猫溶
口。直達茶溪畔。韜轡二十里。彎崎出壯觀。中亘清
浪灘。水石益混瀚。山腰綴祠宇。老樹長虬絆。上祀
新息侯。神光動旗幔。篙工前織趨。鷄酒羅朽案。安
穩一舟輕。高帆挂天半。石亦化波瀾一語真能狀
舟行之奇險古人所未道

拉邦坡

蘭言集

卷二

二一

振衣鐵關嶺。萬峰下駢坐。高厓午日留。幽壑蠻雲
膩。百折迴龍灣。石滑徑蒐巋。逆行已十里。杳莫測
所至。小憩拉邦坡。路室愜詩思。門搖青琅玕。瀑響
入深翠。萬瀑會一川。泱泱瀉平地。林深虎懾伏。草
動蛇潛避。險磴更陁堵。脫脫青霄騎。想當秋雨時。
分寸懼踣躓。僕夫賈餘勇。肩輿幾軒輕。又度廿餘
里。毛口始即次。側身望來道。天衢遠踦跂。乃悟昨
宵客。尚在山榭睡。何必乞丹砂。飛鳥即仙吏。

由大佛寺經苴力舖下鸚鵡關作

衆峰擁一峰。迴各飛瀑衆。水匯一水。水流各繞。

麓前後分向背。內外辨伸縮。况兼烟與嵐。更雜石
若木。珠宮綴巖端。萬象入禪目。緣巖鑿鳥道。高下
繞山腹。風舉復雲搖。空際行人逐。宛單首力鋪。濮
落紛聚族。雄關忽西峙。鸚鵡出幽谷。縱步凌絕頂。
下咤群巒伏。汗、青蛉河。何處尋歸宿。

水心砦

沅南秋水游玉龍。萬峰霍繹紛雲從。左右一折一
拱抱。烟斜霧橫青蒙茸。水心堀壘峰特拔。圓圖元
氣天所鍾。五溪可撼不可動。驚濤四溢當其衝。巨
靈忽奮聳颯力。高掌遠蹠開心胸。一峰化作兩峰

蘭言集

卷二

二二

秀青天現出雙芙蓉。靈根欲斷未得斷。連以泉石
絡以松羅。浮離合相上下。是耶非耶。迷仙蹤。山樹
古寺揀晴昊。結瑤構。瑤高葱龍。丹梯下視五千級。
如猱升木僧從容。中真處士昔好道。茲峰非乃支
枯筇。我來卸帆覽竒跡。天半彷彿聞疎鐘。丹曦欲
落西山紫。滂、與、飛嵐重。條變紅霞散。峰頂蒼
然秋色來。下春回首左版原注。一笑粲。灘聲學磬趨

東峰

離奇天矯
筆力斬然

醉歌行贈王鶴江

王郎愛詩如愛酒。一杯一卷長在手。王郎愛客如

愛詩。唱汝和予樂從之。往往大醉抽竒思。灑墨淋漓帶酒氣。醉中落筆醒時看。自歎神力非游戲。汝家鴨塘西。我家菱湖東。中有一水流玉虹。但願買舟載酒三萬斛。為汝一洗塊磊之心胸。使汝放筆凌秋空。於戲那得如汝放筆凌秋空。

黃鶴樓

羅浮有仙吏。載鶴訪司勳。萬里一維楫。登樓望白雲。何人吹鐵笛。郢上至今聞。吟罷乘風去。江天片

席分。

極似孟襄陽

孟家溪阻雨

蘭言集

卷二

二三

客思正無賴。天風吹雨過。刁騷如落葉。遙下洞庭波。支枕秋聲近。推蓬暮影多。挑燈清不寐。其奈楚雲何。

雨意不可斷。涔々忽二更。沙頭如月影。柁尾自波聲。衾濕漏初滴。酒醒寒欲生。却欣農事好。蕎麥得

秋成。

三四自然

琵琶亭

客子易為感。聽絃生夜愁。大江聲不斷。千載月同流。俯仰此亭古。伊人未可留。琵琶餘一曲。回首荻花秋。

九日雨花臺登高
大江東抱石城流。城外高臺據上游。萬古登臨同
令節。幾人詞賦動清秋。青山不雨雲光遠。紅樹如
花霜影稠。莫笑星星雙鬢白。也將黃菊揷盈頭。

寄陝西楊兩松督學

聞君銜命出三台。前指潼關四扇開。華岳一峰
當案立。黃河九折盪胸來。升堂久頌楊夫子。問俗
今多古茂才。豈獨文章足華國。進賢有詔錫蓬
萊。
渾雄

諸葛菜

蘭言集

卷二

二四

諸葛大名垂萬古。新蔬小品薦三春。即今雨露含
孚甲。想見風雲閱苦辛。禹貢匪同茅酒重。周南道
及鹿鷲陳。平生溫飽原無志。如圃行厨又試新。
因題
命意

兩氣自雄渾
非同鐵巧

陳毅字直方號古漁江南江寧人所著有古漁

詩槩

古漁七言律最有思
致不落前人窠臼

隨園晚歸呈簡齋先生

何處秋聲入耳聽。千堆濃綠未凋零。歸雲天暝山
全斷。過雨田低水不停。樹響遠馳砂磧馬。螢飛亂
墮絳河星。此間卻有高人住。一盞書燈午夜青。

雪後望鍾山

入春連日雨紛紛。纔放新晴日又曛。天半高峰明
霽雪。江頭淡墨寫歸雲。凍禽向煖聲先變。細草和
烟望不分。便擬振衣登絕頂。只愁清嘯下方聞。

晚過舊鄰人宅留贈

草堂風靜一燈遙。荒徑重尋話寂寥。昏樹似人窺
過客。斷雲隨馬上危橋。城頭戍鼓更初轉。竹裏茶
鐺火再燒。二十年前來往路。對君吟鬢總蕭蕭。
語新而雅

莫愁湖同仲小海作

美人天許置粧臺。千古湖光鏡面開。閣小客如搖

蘭言集

卷二

艇上雲晴山欲過。江來煙花斜日愁何限。金粉濃
春錦作堆。孫楚樓頭呼李白。典裘須買酒盈杯。

水閣偶成

秦淮十里畫船輕。水月燈光一片明。家在畫中渾
不覺。夜闌翻厭玉簫聲。
真有此情

牛首山

白下羣峯拱麗譙。茲山獨面大江遙。似愁人世興
亡易。不肯回頭望六朝。
議論以感慨出之然正在妙于切題古漁詩之最佳者

唐寶樹字春池號白華江南滁州人乾隆戊子

舉人官石埭教諭所著有白華詩鈔

春池文行兼優詩其

餘事其五古之佳者
乃深得選詩氣味

本日遊萬松庵登最高嶺訪陵陽令故蹟緣徑仄
下海山轉遙見黃山

杖策登峻嶺。山行如螻盤。巖巒淨耳目。函光秋日
丹。曝背尚覺煖。頗似暑初殘。躡頂凌衆壑。虬松幽
姿蟠。少休憇密蔭。微風動波瀾。謾。濤聲生有若。
鳴青。驚仰視雲影覆。俯窺石根磐。亭。萬株松。梵
宇構其間。不必求神仙。自足烟霞餐。

山燕如巨艦。林巔聳危樓。朝嵐四圍起。渺渺雲水
秋。衆峯躋高宇。仙厨引清流。俯聽大壑松。冷。吟

蘭言集

卷二

潜虬結莽喬木杪。巢居追許由。雖非隱遯客。性與
知仁遊。

上山覓松子。剷地得茯苓。遙望子明蹟。高障陵山
屏。黃峯采石脂。延溪受仙經。得魚知服食。騎龍歸
天庭。宏農贊丹溜。天壽多延齡。鍊竈存芳躅。清談
留遺馨。息爭自虛館。忘勞非戴星。治得老子術。法
挹容成型。循良在清淨。飛昇終杳冥。昔賢不可見。
千載仰軒輶。

舉目見黃山。山頭如列笏。靈景曜光暉。遙見金銀
闕。高岫遠天橫。喬木衆峰越。層陰隔巒嶂。凹嶺爭

崛凸盪空朝嵐開雲逐飛鳥沒巖端歛陰晴霞光
屢興歇。睠言顧靈秀。忘我凌崔嵬。借蔭木葉踐
石巖溜滑。升高興無窮。登覽力未竭。竹徑轉濃陰。
楓林激清樾。豁然宿醒醒。頓使沉痾掘。歸鞍尋舊
路。惜未待明月。章法謹嚴字句深穩的是文選正宗

魯瓊字星村江南懷寧人歲貢生候補教諭所

著有星村詩鈔

袁簡齋曰安慶詩人以二村為最一李嘯村苑一魯星村瓊魯五言如鳥散雪辭竹

烟消山到門風竹不留雪冰池時集鴉七言如避雪野禽低就屋
忌機小鼠漸親人皆可誦也陳古漁曰星村五律如春浮京口樹
帆入海門雲解纜星移水推篷月在船遠岸無高樹遙帆挂半天
七律如積雨頻添千澗瀑新晴忽挂一江帆堤邊鳥翅半紅葉塔
外青山多白雲斜陽老樹半邊雪曲港迴橋幾折冰多入晚唐三
昧星村為研山先生難弟才力稍遜于其兄而氣清格老句對

蘭言集

卷二

二七

字酌殆欲過之近時有一種謬論分詩為二等曰詩人之詩學人之詩不知始於何人而舉世靡然從風彼但見詩中頗有莊論理語不甚言婦人飲酒便斥之為學人之詩耳其實詩豈有不由于學者如必欲分之則吾謂有意于詩而詩工謂之詩人之詩可也無意于詩而詩自無不工謂之學人之詩可也若乃留意風華溺情花月此固無當於學亦復何取於詩觀吾星村吐屬清雅絕去儉荒此真可謂詩人之詩矣而其學則何可及哉

雨後過龍泉庵

山空滿蒼翠。諸峰雲繚繞。亂泉聚落花。殘陽散歸鳥。遙見負薪人。腰鎌出木杪。神似章柳

浴湯池高與無讓登覽女未歌竹野轉來村

紫石峰下泉。泉水出離位。風霜不能寒。四溢如湯沸。過客浴其身。借以除垢膩。我來亦臨池。敢與斯

人異洗身。須洗心。此義知之未。古聖著盤銘。日新良可味。况此名山中。乾坤釀和氣。變陰而理陽。此任於誰寄。世人言無稽。謂此由黃帝。九轉大丹成。爐火今猶秘。其下為溫泉。混々而正出。是說姑舍之。聊作名泉記。

青陽道上望九華山

秋雲離合江之涯。中有九十九朵青蓮花。微茫鐵氣不可辨。但見天香幾縷空中斜。後峰似挽前峰住。東雲忽逐西雲去。來村陰雨去村晴。一鞭高咏青陽路。

蘭言集

卷二

二八

吳梅顛置酒見招席上學梅顛體賦

一尊為我邀。隅夜梅顛宴。客人人訝室中我。見如馨懸市上人。來索酒債。忽傳來日飲星村。鮑魚贈筍紛柴門。自言寧可食無肉。添尋異味拋鷄豚。大甬紫藤花。花下米囊葉。采作盤中蔬。未茹香蒲頰。况得同心人。詩才竝敏捷。我如遊山陰。目不暇應接。梅顛自是詩中豪。鼓掌大笑羅吾曹。醉後狂呼欲無古。吟聲半夜騰青霄。

不必有意於奇
自然逸情雲上

夜過無錫

暑氣不成寐。涼風簾外飄。水聲雜林籟。巧與棹歌

調聞犬知過。縣眠檣欲度。橋推窻眺夜色。一抹惠山遙。

閒居寄答茅耕亭太史鮑論山中翰

小園落城裏。高不隔江山。萬戶低相見。三冬獨養閒。捫心慙鴈侶。振翮碧雲間。長物餘花竹。鄰翁樂往還。

落筆大方

瓜洲夜渡

涼月露雲際。清光入我船。潮聲動城郭。樹影澹江天。漸覺瓜洲遠。前看蒜嶺連。無人喧渡口。漁火點

溪煙。

唐音

蘭言集

卷二

二九

舟夜

蠟燭燒殘霜氣清。夜深蓬背擁重衾。舟行忽止冰初合。窻暗還明月未沉。柝響幾番來遠市。鴉聲無數起寒林。相將老僕談鄉井。岑寂差堪慰客心。

三四一聯

袁簡齋先生極賞之

甘露寺讌集

相攜壺榼作郊行。春雪今朝恰喜晴。出郭漸忘前路遠。登山一笑大江橫。席前雲向金鼉起。袖底花全鐵塔平。薄暮招提歸去後。碧天皎月已東生。

三四自然

孫辰東字楓培號遲舟浙江歸安人乾隆壬辰

會元殿試第二人及第官編修著有種紙山

房詩集二卷

余未得見先生也而與次君秋士交乙亥之夏相遇於敬亭之麓出先生書帙索跋既又以詩稿見屬入蘭言集余以未拜先生辭秋士拂然別二年又以書及詩來誦言之重違其意為錄若干首然非例也

發當湖

停舟苦炎熱涼風不可喚
解纜初發程清風來隔岸
三面拓船窓忽驚書帙亂
習習兩腋輕卷却翻漿汗
徐看挽繹夫折腰似魚貫
焚炙彼何辜而我煩鬱散
習懶彌自慙披襟起三歎

仁人君子之心如是如是

初登金山

扁舟揚子江十年記三度金山如蓬萊到輒風引

蘭言集

卷二

三十

去朝來遇石尤知是江神助
停橈淹客程登山償夙慕
一葉坐漁舟翩然狎鷗鷺
中流風雨急蛟龍為誰怒
茲來吾有緣詎畏風斷渡
船尾望焦山濛濛墮烟霧
霎時霽色開絕頂試徐步
山僧莫苦留行止吾何與

落筆翩然一結乃求盡通章之意

次韻懷沈青齋

震

兼寄舍弟松友

長安居不易囊有一錢無
青眼邀人看紅塵笑客孤
文章應許國才命自同途
未信與璠美崑山却抵烏

王城真似海舍弟亦藏身
暇日煩相訪為言入夢

頻風塵京國路花雨故園春雲白知疑睇遙憐筵
鵲人委婉入情

不得春闈消息有懷沈青齋

馬蹄踏盡曲江津消息微傳似未真中酒昔曾語
此味揚眉今又屬何人相思幾度遙占鵲尺素知
應早寄鱗猶是春風歌詠地好添氣色柘湖濱

喜沈二野堂至

原注時新得蒨

眉間喜色我先知別路頻勞客夢馳桂發雙枝方
得地天盤一鷲正乘時詩期君和來何暮酒為寒
深醉不辭吟榻對安憑破寐匆匆且莫計歸期

蘭言集

卷二

三一

以盆梅贈楊上舍佑昌

愷元

上舍有詩次其韻

幾輩長安踏軟塵祇君留翫物華新可知近水橫
斜影合配巡簷淡蕩人爐火屋深忻得氣柳梢句
好更傳神嬋娟笑我都分遣刺有無鹽媚早春

原注數十

本皆分致同好齋中僅留得一醜枝耳

題王珠峰觀察柳岸漁舟圖

慶豐閘下碧波寬通路亭邊春未闌如許風光誰
不戀先生祇作畫圖看

婉而多韻

翟槐字公樹號立齋江南涇縣人乾隆乙未進

士入翰林改御史出為雲南楚雄府知府

送胡黃海隨幕范侍御視漕江南
繡衣使者沂淮流。幕府豪華重上游。寒入梅花開
十月人逢何遜在揚州。鄉關此去歸鞍近。主客能
無借箸籌。莫把囊金揮手散。少留黃岫換征裘。
黃海買而

豪故云

江德量字成嘉號秋史江南儀徵人乾隆庚辰

進士第二人及第官編修改御史

秋史好金石善篆隸旁及花卉

蟲魚詩以杜韓為宗惜早卒不得竟其所學

王少林太守藉山讀書圖有序

太守里居有藉山樓官漢陽時署據鳳山

蘭言集

卷二

三二

之麓構小閣讀書用里居舊名名之

借書人云癡。借山事益寡。不辦買山錢。林壑寄瀟灑。
結構就岩麓。徧地去榛瓦。坐我松桂扉。言念枌榆社。
拄笏對雞籠。初志用自寫。吏散山翠深。一卷時復把。
風細壺篆高。花開鳥聲好。無何別山去。載書勞車馬。
青山無處無。塵埃未能捨。此卷長隨身。此山成久假。
從藉字生情深得名各之意

題王樓村先生十三本梅花書屋圖用查初

白韻

花前寫真事已奇。夢裏看花誰見之。忍冬老人乃

畫夢原注禹鴻臚之鼎作圖心花幻出冰霜枝歸卧草堂風日

好鶴書不怕山靈移前身明月來無跡寫出性情

非人為羅浮仙人抱冰雪但喫梅蕊甘調飢青氈

長物幾得失原注圖嘗失去先生曾孫少林太守復購得之展卷觸鼻香絲枯

槎倒亞瘦蛟偃春陰濃壓茅檐卑書幌午垂石屏

護香爐茗椀安排宜瞿然一翁坐擁膝清風兩鬢

烟霞姿木蘭權妥春水濶白鬚者誰翩來遲化百

東坡影搖蕩仙耶佛耶誰能知寫真能寫夢中叟

神妙直是非夷思文孫築堂踐古夢排門輦石知

為誰原注少林構堂以資之嘗有大力者排闥輦其石以去且種梅花十三本曰真曰

蘭言集 卷二 三三

夢皆非痴委宛曲折能使奇事奇畫寫來如生

...

...

...

...

...

...

...

江南涇縣趙紹祖琴士手鈔

男國楨孫同璋全校



法式善字開文號時帆一號詩龕又號梧門蒙

古正黃旗人乾隆庚子進士曾官國子監祭

酒後為侍講學士所著有存素堂集

先生五古清真雅正得選之精華復出入王韋逸情逸韻味之彌深五律格老氣清不落中唐以後甲子之秋曾以古文及制藝見寄間一歲又以詩數十章鈔本見示因備錄之仍

以不得窺全豹為可惜耳

遊西山宿秘魔崖得三首

曉出西直門。一雨山如沫。亭館生新涼。林樾淨含

蘭言集

卷三

綠波平若無流。花光淡而縵。郊行四十里。僧寮上

初旭。松濤瀉地來。爐烟墮欄角。浮屠七級圓。倒影

壓山足。泉聲穿石竇。遠向峰腰束。趺坐證空明。古

佛自幽獨。

清夢滌珠潭。孤情聳金岫。忽聞草露香。涓滴衣

袖。萬樹鬱嵯峨。駢柯矗蒼秀。偃僂烟翠中。一步一

逗遛。日脚不落地。峰陰生白晝。人鳥俱無聲。松籟

空音奏。三里始出林。巖際天光逗。借問采樵人。何

處尋乳竇。

凹凸陰晴殊。豐碑薜花脈。澆以清浮泉。隱約露文

字。文字果何為。功德讚闍寺。著語非不工。惜哉貢
諛媚。我方攷圖經。搜剔入巖翠。北印五百庵。一一
探深闕。

西涯詩有序

西涯即今之積水潭在李文正舊宅極西
故名非別業也余謂李廣橋當為李公橋
因繪西涯卷子并摹文正十友圖中像于

幀首賦詩記之

西涯我屢至。未暇考厥名。指為積水潭。極目煙波
橫。荷花亘三里。客至誇幽情。賦詩矧勝流。佳話傳

蘭言集

卷三

二

春明茶陵昔賜第。第言在水城。西涯乃別業。下直
聯羣英。不知公少日。矮屋三五楹。紅燈煙一縷。時
聞讀書聲。老臣憂國深。家室心所輕。故宅竟不保。
不知凡幾更。慈恩寺遺址。秋夢時回縈。騎馬見林
木。隱々思平生。

路折李公橋。吾廬一水隔。楊柳綠依依。不見李公
宅。桔槔亭已頽。清響動林樾。微風動稻田。斜月淡
松石。菜圃既荒蕪。蓮池復幽僻。零落經壇花。映人
猶深碧。李公社稷臣。杯酒非所適。揮涕白鷗前。散
髮秋堂夕。竹林寄餘興。禪房時著屐。偶然出詩篇。

幽懷感今昔。鰕菜尚難具。平泉安足惜。惟有法華
庵。空廊黃葉積。發懷古之幽情。足令長沙生色。

客來訪西涯。扁舟艤潭口。指點城外山。問訊風中
柳。我亦沿舊說。溪橋未深剖。看花年復年。魚鳥笑
人否。譬如名士居。不曾辨誰某。一旦識姓氏。翻悔
坐失久。快讀西涯詩。西涯乃吾有。高文雄一代。舊
圖誇十友。翩然神其來。彷彿見山斗。原注奉像於詩龕。紵衫
與朱履。破櫝僧能守。風流漸銷歇。我恐西涯負。但
期隨老漁。烟篷賣菱藕。

長松園

蘭言集

卷三

三

我聞山中人。朝夕採琥珀。白雲不上天。往々成怪
石。鳥鳴谷轉幽。水流澗空碧。松花一尺深。頓失來

時跡。

右丞太白

讀金石文鈔寄趙琴士

世人搜金石。徒以古為寶。豈知好學士。於此恣探
討。洪濛萬古初。載籍難稽考。結繩既有制。經義辨
及早。趙子善讀書。夏々古人造。耻作猥鄙文。奇氣
凌秋昊。退卧古墨齋。兩肘翠雲掃。殘縑與敗楮。孤
燈親屬稿。偶然出斷制。片語網常保。辨正譌舛處。
商量到恰好。視彼都氏書。撮取殊草々。願君駕扁

舟。徧歷人間島。不止發幽隱。大可澤枯槁。

余初未識先生而先

生忽於數千里外寄書慰藉且作詩推揚拙著不遺餘力自此神交十餘年郵筒往返幾無虛歲辛未之秋先生寄書以制藝序見屬而書中有云愁病侵尋如鶴老而不能冲霄盡寒而不能振響松間草際離蹤踟躕自憐自笑而已余深訝其早膺科第領袖羣英已數十年偶然失意何足介懷而感慨若是乃間歲遽聞其卒不勝愴然今檢此稿又恨余學殖荒落竟無足以副先生之望徒懷慙於衾影矣

觀涇川叢書再寄趙琴士

耽書抱幽癖。君乃勝于我。殘碑與斷碣。搜討到蓬
穎。脫巾拭蝸涎。照字借螢火。溟濛月落江。狼藉詩
盈舸。巋然開選樓。萬卷橫席左。涇川富文獻。著錄
聞已夥。精血耗一生。奇才傷坎壈。豈不望後人。闡
微及細瑣。推君敦厚心。維持世道頗。文戰偶不利。

蘭言集

卷三

四

奚傷氣磊砢。春生古墨齋。梅花開幾朶。水煙淡容
與山光。接髮鬢石門。任薜封寒燈。把書坐笑我。騎
馬行日。晒腰肢。鞭低徇學古。蟬未敢告慵惰。硯磨
幾欲穿。筆禿不堪裹。惟有素心人。千里神交可臨
文恨荒蕪。校字尚帖妥。時寄縑素我。為商叢勝。

真意纏綿令人味之不盡

寄王柳村張寄槎顧敬庵諸子

成名天所忌。抱道貴自適。心與世相忘。乃不為形
役。書來叙離別。知己遭困阨。自古情至語。中必無
色澤。君家江之湄。尚有先人澤。種竹是良圖。看山

為長策。同學三五人。毛羽各護惜。偶爾新詩成。寄我秋堂夕。昔年寄詩侶。半作聽猿客。西涯一片雲。恨有黃河隔。時藉明月光。照見長安陌。魚鴈不可恃。風雨將奚責。拳拳愛士心。終古莫能釋。語短情長。想見愛才

至

淨業湖待月

緩步出柴門。天光隔橋滄。溪雲沒酒樓。林露滴茶籠。秋水忽無煙。紅蓼一枝動。獨坐空亭中。林風吹獵獵。草根一陣香。飛入兩蝴蝶。童子撲取之。乃是黃葉。

蘭言集

卷三

五

宿古北口

長歌出關塞。行役敢辭勞。地冷千泉咽。天空萬木號。吹煙含雪重。獵火挾風高。野老衝寒至。殷勤贈戰袍。絕似王右丞

自嘲

苔生前夜雨。花落一溪風。飲酒不求醉。看雲時欲空。年衰羞見馬。天遠喜聞鴻。鏡裏還相照。驚予已是翁。

鐘聲

鐘聲止羣籟。酒力入新詩。吟苦愁偏遠。神清睡獨

遲前身明月悟。心事水仙知。憔悴溪邊柳。春來綠
幾枝。

晚坐

客愁消酒半。暝色暗燈初。細雨含沙重。春雲壓水
虛。頻看遊子劍。時把故人書。聞說城西雪。今年沒
草廬。

歲暮

不知歲云暮。何事最相關。馬老漸忘瘦。鶴飢時得
閒。竹聲寒作雨。雪勢鬱成山。怪底忘生滅。適從僧

話還。五六
精警

蘭言集

晚出東郊

卷三

六

閉門緣病懶。敢與世緣違。出郭詩情遠。看山酒力
微。晨光上。鴉背露氣在人衣。物理閒中覺。秋雲傍
我飛。

山中早起

三月中。山中住。山中路不分。石根連屋起。松響隔溪
聞。掃地留殘月。推窓放懶雲。偶然風過徑。秋果落
紛紛。

僧寮聽雪

到來塵俗絕。入夜益孤清。松葉偶然響。樓禽時一

驚。隔窗猜月上。歸院少僧行。侵早開門看。誰知雪滿城。

但有梅花看。何妨長閉門。地偏車馬少。春近雪霜溫。老剩書藏篋。貧餘酒在樽。說詩三兩客。往坐燈昏。

寒夜

畏寒深閉戶。排悶淺吟詩。僧卧有高枕。鳥棲無定枝。家寒書尚擁。病退藥方持。忽聽雙扉響。山人約

賭碁。以上諸律並格高韻老在右丞襄陽之問

蘭言集

卷三

雨後遊極樂寺贈誠上人

徑滑還支石上筇。羅門盡日碧苔封。兩三竿竹自秋色。千萬疊山皆雨容。詩卷涼生禪榻早。茶爐香壓佛花濃。煩君倒瀉天河水。一洗人間芥蒂胸。

同陸璞堂學士程東冶侍讀江秋史編修集

許秋巖前輩秋水閣

一縷茶煙漾曉楹。海棠風裏度清明。空齋倦客江湖夢。短卷斜陽鳥雀聲。呼酒不妨新月上。捲簾恰好晚春晴。西園下直吟詩慣。感我聽鐘十載情。

翟繩祖號補庵江南涇縣人乾隆甲辰進士官

池州府教授

先生制藝自謂伐毛洗髓詩殊謙甚不肯輕以示人然間一為之正復清超絕俗能者固無所

不能也

題王鶴嶼廣文後移居圖

老鶴圖移居。索題又及我。文錦爛如霞。羞顏綴細
瑣。顧惟十年交。兩心印一可。海上借鷗泛。雨中並
鶯坐。隨遇能安便。天人無側頗。雙峰瀉釀泉。歐九
炙其輒。而君屢更宅。如器置帖妥。圖書載五車。琴
鶴共一舸。我家桃花潭。春風開萬朶。千尺碧流環
兩岸。寒煙鎖。白也乘舟去。遺唾剩珠顆。原注潭上石崖
春非叢生相傳

李白醉吐所化

蘭言集卷三

倩誰寫

送東鳴弟赴湖北通判任

古稱別駕尊。可以展驥足。君初登仕版。茲任未易
屬。三楚財賦區。西南資饒沃。沃土慮民淫。守經貴
緣督。君少讀詩書。當異俗吏。俗恩行不在。縱威立
不在。酷堂上白髮親。牽衣重叮囑。舟行遠影盡。登
高更遐矚。當將父母心。置之赤子腹。洞庭波非險。
守身如執玉。一片至情隨筆寫出讀之而不感動者定非人情

題袁蘭舫吟秋圖照

天地清如許。高吟入素秋。抱琴誰與共。得句且淹

留。河漢明千里。梧桐響一邱。宋悲兼杜興。隨意自

相酬。落筆超然

荅吳迪庵見贈

一庵寄老情何逸。三世論交契獨融。漫笑吹爐丹不轉。爭憐倚瑟調徒工。原注迪庵文工而不遇門前古意澄溪月。

天外秋聲極浦風。曾指飛鴻雪泥路。幾回伏枕此心同。

孫佑人以盆蘭索書賦詩贈之

孫郎翰墨有前因。向我求書似索珍。肯把春葩換秋蚓。兩盆擎出雨中新。

蘭言集

卷三

九

崇虛觀裏記籠鵝。何似芳蘭慰老疴。若起渭南評勝事。風流合比右軍多。

孫星衍字淵如號季逵江南陽湖人乾隆丁未

進士第二人及第官山東兗沂曹濟督糧道

著有雨粟樓集冶城集

余得交先生最晚而一見欣然曰余購足下書久矣不謂至今始得相遇爰手贈所著及所刻書六種且許為唐書互證作序時

先生將回常省墓期以明年及奉書問訊而先生已遊道山今錄其詩不勝駒隙之歎先生七古奇崛幽艷隱句與語層見側出而頓挫瀏亮浩乎沛然無艱深僻澁之態蓋兼仙才鬼才之長而成七律於濃麗之中特饒清氣非挾兗園工懶祭者之所比也

晚懃

曛黃登前灘。晚黑懃征躅。風微辨人聲。煙定識溪

屋門低樹雙合。籬短徑三曲。寒蟲抱疎花。暝雀逗
深竹。悶途慙身拙。惜景愴程感。始信居人歡。車勞
未謀宿。

宿元符宮

林宮鎮山坳。高下飛軒櫺。征鞍上盤石。日暝客始
停。遵塗百勞忘。尋異千念盈。徑微已三折。屋暗仍
重局。獨上怯曳衣。孤行危建瓴。道士然炬來。開門
道前行。靜覺鼠齧松。微同鳥梳翎。林空虎氣逼。草
滑蛇涎腥。山頭白濛濛。寒氣生。夜明猶被露華涼。
遠聽風笛橫。悄然步初還。遊侶見自驚。幽房感仙

蘭言集

卷三

十

縱客夢冷易醒

林空一聯寫得凜然寒氣
生夜明造語得未曾有

題吳君微

文所畫東方三大圖

我官聖人鄉。觀禮至孔林。泰山亦三上。古迹親搜
尋。徒持登萊節。未覽滄溟深。翻然憶邱園。聊此投
朝簪。吳君妙詞翰。繪事空古今。買權揚子江。來遊
北山岑。示我三大圖。燦若天列參。岱宗小齊魯。海
若迷涯潯。神哉奎婁野。千古奉德歆。我歸守書簾。
歌枕落白蟬。為山割雲壑。鑿水開蹄沔。甘與斥鷃
翔。不慕飛鴻音。齊物等鉅細。從容聊浮沈。長謝斗
筲輩。保此雲霞心。

宿江上

朝行空江中。暮宿空江裏。江頭一痕山。日入化煙水。波心月出天。蕩搖欲上不上知。天高蛟龍睡。醒自喁。喙夜氣逼。樹分秋毫。櫓聲咿啞。若驚鴈人語。衝寒不能辨。橫洲燈影紅半灣。接舵水紋明一線。漁歌入夢心四飛。忽復夢斷歌仍微。舟人搖客夢中去。魂在寒江醉吟處。潘蘭如曰筆端靈妙如絳雲在霄倏忽萬變

梁天監井床殘字

出門一鋪隨。一丁錯認乘。醉埋劉伶井。床古字待我發。城根徒步來。玲玢誅鉏草。土辨摹刻如讀怪。

蘭言集

卷三

十一

牒搜仙經。文云天監丙申歲。作亭與井。因書銘。蕭梁天子初佞佛。冀以方便延千齡。是年淮堰起復壞。饑鴻四野哀飄零。豈知皇帝愍渴乏。欲借一勺詒生靈。周田八家共。一井漢制十里置。一亭濟人興廢有司事。何用天語煩丁寧。黃河之潤泰山雨。澤及天下由朝廷。楊枝甘露詎足恃。金仙入夢呼不醒。異時臨渴更誰愍。荷口苦無人聽。悲歌弔古亦多事。但愛照影波清冷。千年萬口汲不竭。知有地脉通滄溟。摩娑苔蘚剔圭角。急印墨本懸中庭。此文埋沒分終古。日近汲綆堆長瓶。其前牧馬

肆感踏行客。縱至誰留停。歟。然遇我自天。幸若獲
知。已雙眸。青王郎。朱子好風調。告我如試終軍。艇
歸途。把臂又欲醉。便恐一別如晨星。好古之情與論古
之識絡繹奔赴排

昇縱橫集中
之最上乘也

王廣文沈公子同日招飲偕洪大稚存看月

作

沈郎飲客愛客狂。樓高百尺置百觴。白日倒視天
茫茫。王郎飲客愛客語。名理冷。一揮塵。座中洪
生工論古。我擊玉壺君起舞。門前月出高挂城。屋
底猶雜呼盧聲。僮眠觸屏燭花墜。主人情多執客

蘭言集

卷三

十二

袂消腸。腐脇不足辭。起聽宿鳥行前墀。神興出門
足。不知對語清。影扶松枝。城南古原舊遊處。露葉
螢光冷無數。洪生橫絕意氣孤。跣足先行不回顧。
深林時有碧火然。人氣一縷生荒煙。倒身看天向
天卧。明月欲墮胸懷間。此時霜落肌骨瑩。酒力出
與清寒爭。星辰高。動風色。呼吸疑有天公驚。幽
魂四飛宵如夢。木魅聲寒出林空。知君馳歸已神
王。看我獨往尤心動。人生幾時樂莫違。倏忽老去
羞兒嬉。新叢生枝故改色。君看今夕非前夕。
登廢寺千佛樓與王三洪大同作

城東佛樓幾年閉。塞徑秋樞刺芒利。飛燐射屋烏
啄墻。鬼風吹檐斷佛臂。此間非墓非戰原。豈有厲
魄號煩冤。青狸捧骨夜窺月。日氣不到羅神姦。迎
廊一僧病枯瘠。見慣妖蹤訝人迹。老莎出戶曲復
斜。反鎖空堂晝深黑。樓前慘碧竹作圍。逼袖細影
明寒暉。殘霖滴階漬幽血。敗粉剝壁生陰菲。竹梢
朦朧上無路。疑墮中宵夢遊處。回頭不憶隔世來
過眼。復恐今生去。檐牙壓肩樓脚搖。驚起穴棟千
秋鴉。屏聲獨立瓦爭落。失勢一墜魂難招。原頭日
落樹蒼茫。既下心神久恍惚。林端卻顧寺角移。那

蘭言集

卷三

十三

得騰身立平壤。

意奇語險而運之以清新
於長吉之外又拔一奇

題羅山人

聘為余寫昔夢圖十幀 選五

含飴夜課

乾隆十八年癸酉歲九月甲寅余生於

常州郡城之觀子巷時家大人以四月

入都大母許太夫人故守節撫孤及得

孫憐愛特甚五歲入塾歸太夫人必篝

燈課讀母金夫人紡綿其側比家大人

歸已九齡矣

烏夜啼。香柚樹兒抱書來。塾師處。阿母視兒衣老

嫗問兒飢兒就大母牽裾嬉大母勸兒書再續一
錢買豆十回讀書聲紡聲燈一粟鄰鷄欲鳴更漏
促父歸識父兒九齡背誦文選留賓聽

地肺尋碑

句曲學舍去茅山三十里曾借錢少詹

大

所訪求古碣復與洪孝廉說信宿山齋

下

宵賭酒中峯或冬月解衣入蓬壺洞

賦

行數里深不可測燭盡而出同人訝之

弱齡頗好道慕有龍仙芝勾金之壇間神仙所娛
嬉天風吹衣雲繞足洪崖拍肩同信宿宵攜酒榼

蘭言集

卷三

十四

上頂峰冬脫裘裳入幽谷初成兄弟去不回越巒
之穴迷蒼苔山中宰相充隱耳不識梁武非仙才
地肺玲瓏似堂密我欲南穿洞庭出龍威祕符不
可得洞口題名土花蝕

采石同舟

采石有絕壁大書珠聯璧合四字俗傳

是李白崔宗之醉月處歲丁酉余與洪

對父賦齋君諶客安徽學使幕中登黃山白嶽上

天都峰熟遊青山白紵之間醜酒太白

樓前而返

我遊皖公山。直造天都峰。萬松偃蓋石鑿空。鋪海千頃雲溶溶。琴高溪淺魚可數。八公山空鶴唳苦。就中秀異不可忘。白紵青山熟遊處。江光接天一葉舟。東山月出同拍浮。竹君學士文章伯。想像高樓醉佳客。洪生當杯感陳迹。我亦題詩臨絕壁。江山如此不逢人。酌酒大呼李太白。

漢宮訪古

歲戊戌至甲辰入關七載值畢中丞
開翹才之館著述之暇與諸名士出遊
曲江樂遊原訪漢長安古城所得瓦當

蘭言集

卷三

十五

文字奇古程上舍敦
嘗釋錄成書流傳

海內

阿房一炬成焦土。金銅仙人泣移處。長安所遇故物稀。片瓦千年出荒圃。秦宮蘭池漢未央。蕭相事迹藏琳琅。宣和好古惜未見。不與什襲千金裝。漕渠斷絕昆池塞。惟見高原劫灰黑。路人但拜蝦蟆陵。萬戶千門豈能別。君不見銅雀瓦如没字碑。臨春結綺餘陳泥。世人知寶宣德製。原注今所傳未央瓦如瓦形者明宣德時偽物魚目混珠吁可悲。

書堂問字

余始僦居琉璃廠橋之西宅前有大樹
海內之士賞竒析疑者咸識其居也後
移寓孫公園小拓室宇為諸名士燕集
之地每歲朝鮮使臣至必款門投刺朴
卿齊家為余書問字堂額又大書崔儼語
云不讀五千卷書毋得入此室

琉璃廠西青廠口。屋鬻圖書街尊。卣十丈紅飛過。
客塵一株綠。認先生柳高冠。褒服來叩門。登堂畫
字口不言。愛才異域且同志。豈有文譽鷄林傳。異
書海舶有時出。不似大航留偽帙。開成石刻贈殷

蘭言集

卷三

十六

勤要使薄海尊經術。興來落筆蛟螭翔。五千卷室
崔儼藏。似聞比歲朝天客。猶訪當年問字堂。
以上數首又絕

似白樂天
新樂府

五畝園看罌粟

四山如畫獨登臺。眾綠成陰坐舉杯。花似文章擣
錦出。人隨蜂蝶擁門來。隔籬野菜鎔金編。去聲。積雨
天光掃翠開。更有夕陽紅萬頃。儘教絕艷費驚才。

詩亦有絕艷
如花之致

蔣大令

培國

官泰安浚岱頂玉女池得秦相李

斯篆字殘石見寄搨本

空摹遺篆笑申徐。訪古輸君興不孤。一炬碧霞成瓦礫。千年玉筋未模糊。交希剩憶韓陵石。政美能還合浦珠。想見賞竒思勝友。先臨日觀望東吳。乾隆戊午

碧霞宮災相傳此石已燬於火今觀此詩知其尚存古物可惜端賴好古君子寶護之也

張太守

陶問

為余題半身小影次韻答之

江湖差喜一尊同。嬾聽高軒接鉅公。曾子不妨生蜀國。步兵原可號江東。頻來放擢非緣雪。自欲收帆不問風。後世相知儻相識。莫因名位薄揚雄。

唐太守

仲冕

石殿撰

韞

先後假館五松園有詩

見贈次韻答之

蘭言集

卷三

十七

未到縣車便乞身。抽簪猶惜鬢華新。問竒不斷門前客。投轄常留座上賓。小築數間同傳舍。一年幾度值花辰。故交多占夔龍席。贏得江湖與散人。霜葉多時戀故林。雲羅何處網翔禽。眼看弱柳風流在。坐蔭長松歲月深。庾信小園聊獨樂。杜陵廣廈負初心。落英芳草門前路。平世桃源任客尋。一徑留莎滿客廳。幾人看竹問居停。已憑鍾阜為圖障。直借青溪作釣汀。攬轡未酬宣室問。還山不負草堂靈。狀元坊珠與文翁室陶。江左他時說聚星。

二頃何曾作遠謀。營巢應笑拙於鳩。圖書清悶蕭
閒坐。花月春江爛漫遊。賺我名同殘夢過。報君詩
愧夜光投。到門一派秦淮水。有約攜觴共拍浮。四詩並清

新俊逸跌
宕風流

張君開從海濱得吳天紀。輒贈余即次來詩

韻答之

聽雨愁風卧病時。經旬不出董生帷。逢君楚尾傾
程蓋。餉我吳靛勝蜀師。兩世交看陳紀在。原注余與君巖相識

百城書守異嬰遺。六朝古迹期同訪。一路春花趁

好姿。對仗工妙蜀師輒見張君新刻金石契

蘭言集

卷三

十八

題東山絲竹圖

一局棋曾却敵兵。拂衣何必待功成。陶情絲竹中
年後。已被蒼生誤半生。

師範字荔扉號金華山樵雲南趙州人乾隆甲

午舉人官望江知縣著有金華山樵集乙丑之夏荔扉

介鄧山人石如以書求致相慕之意余報之并贈以金石文鈔及
涇川叢書會鄧山人歸卒於懷寧僧舍書竟不達辛未秋余以事
至省將往謁而荔扉已卒於官蓋雖神交數年而一見之緣不可
得也今錄其詩為之慨然荔扉詩才大氣盛強強自喜而不屑
屑於句字之間然按之於題理題情
正復絲絲入扣故非霸才無主者比

可渡橋寓樓題壁

滇山石帶土黔山土戴石裂地奔長河能使滇黔

隔土山如端人。神腴膚自澤。石山如傑士。瘦骨充
毅魄。儼然廉蔣交。對峙成莫逆。所怪氣候殊。涼燠
判咫尺。稱著小羊裘。黯淡日將夕。履險心或驚。領
竒意偏適。我生本勞。天涯滿遊跡。安可同鹿豕。
常守三畝宅。茲復奉簡書。探懷挾何策。夜燈寒不
紅。東方已全白。

黑泥坡

下山似入甕。上山類出井。密林蔽深谿。層峰壓高
嶺。轉疑造物勞。位置散不整。意欲鏟之去。蒲輪得
安騁。八百里秦川。天長日垂影。恐復厭遼廓。回首
蘭言集

卷三

十九

念斯境

起筆令人如履其地一結正自入情

滴水崖至五丁峽

慘淡滴水崖。一線忽中裂。千古雪常飛。壁峭雲不
泄。上許青天窺。下聽寒泉咽。陰森二十里。膚粟慄
自結。開闢自何年。神施鬼共設。豈有蜀人愚。甘受
秦人譎。石牛糞兼金。頑石鏟勁鐵。霸臣儀與錯。縱
橫才獨絕。借以讐六王。相機肆饕餮。記之欺異世。
壽璩識誠劣。恐沒造物功。乃掉儒生舌。緬想混沌
初。此事亦瑣屑。

議論正大筆力道緊

過眉州不得謁三蘇祠悵然作歌

眉州出三蘇。草木盡皆枯。草木枯盡榮。瑞璣一門
英俊輝星衢。長公負氣尤。跌蕩顛倒造化工。鍊鑪
髻年讀書慕孟博。老膺黨禍良非誣。乙卯九月日
重九。小舟延溯綠菰蒲。隱、城闕露林際。古祠聞
峙西南隅。慕頤山伏抱東郭。玻瓈江淨涵秋蕪。敢
言風利不得泊。措大作事多踟躕。三峨落手未獲
上。遂令兩恨平生俱。精神知己徧宇宙。紀傳孰復
留規模。當時怪絕君。與相憐才欲殺心。何殊眼前
樓閣桑梓都。川原雄濶饒膏腴。買田那必向陽羨
久嘗患難筋力痛。愛才天使韓歐並。虛植庶類春
菊酒半壺。酌酒酌公公歸乎。

蘭言集

卷三

二十

陽敷從遊。倘似李方叔。少章明畧堪同驅。清泉細
菊酒半壺。酌酒酌公公歸乎。

嘉陵水乃感孕媚娘。處今為皇澤寺塑像。猶

存作比邱裝。欲瞻未果。隔江悵望賦詩。

唐家三世女。主昌誰其應者。武媚娘。媚娘恃色蠱
兩代。六宮再入花。無香批答。乃敢居二聖。此獠既
撲凶。敲張毀巢。啄卵據神器。驅使四海同犬羊。不
鳴而雄。姓陰鷲。呂雉雖狡。仍糟糠。帝冊金輪。號如
意。術數往往周無方。綜覈名實嚴吏治。遊眺嵩洛
攻詩章。佳兒愛子果似此。閭闔或許歌小康。奪裘

氣沮狄仁傑。讀檄才憐駱賓王。垂老歸政非所願。
天生尤物殊尋常。嘉陵江上有古迹。蟠胸聞亦徵
龍祥。縱情窮欲事全遂。興到仍作比丘裝。皇澤寺
南野鶴飛。皇澤寺北寒鴉翔。朝雲散盡暮雨歇。風
鬟霧鬢空迷茫。我來未得覩遺像。恐以口過妨趨
踰。叢祠延望神恍惚。林梢慘淡懸斜陽。秋山學眉
水學目。英姿艷態輝大荒。千佛崖邊屈指計。寃親
平等交相償。君不見昭陵未沒獻陵葬。巢王妃已
侍文皇。又不見太原裴監設奇策。美人局可成苞

桑

縱筆直書
自饒頓挫

蘭言集

卷三

二一

由薄壁曉度太行山

立馬太行巔。關河曉月前。五更橫積氣。一徑上青天。
物大精神滿。秋深孕毓全。兩間元化在。即此可
求仙。

羣峭逼人青。巉巖第幾陁。天從巖背轉。雲向石心
傳。神禹踪難沒。愚公計不靈。黃榆題句好。吾敢讓
滄溟。

雨中渡錢唐

鳳舞龍飛地。江山勢不羣。潮聲天外落。樹色雨中
分。塔近迷青嶂。城高擁白雲。茫茫王霸業。千載寂

無聞。

過井陘

西風下井陘。雨洗萬峰青。背水囊沙地。叢祠古木靈。雲猶飛漢幟。我自感鴻冥。不肯忘推解。英雄夢未醒。荆通之說自不可聽。但不能如留侯之從赤松子遊。是識不到處。第六語作詩有骨。

曉發龍陽

三見龍陽郭。微風漾綠波。湖光侵縣濶。春氣蕩人多。江草碧於染。楚山青似螺。白雲隨地有。何處弔湘娥。

高山城邊題壁

蘭言集

卷二

二二

河與山相倚。中橫斗大城。風雲餘朔氣。耕鑿見民情。此日惟兒女。當時足戰爭。教軍場畔立。閒草上階生。氣象凌增

關中雜詩

養馬何功。赤帝秦扣關。無騎敢揚塵。凶銷六籍。灰猶熱。機覆諸儒。氣未湮。時到祖龍疑。換劫運移金。虎失藏神。六王策士原無數。氣盡叩鞞鼓。瑟入。萋草入茂陵煙。歌罷秋風亦可憐。握節人歸蘇。屬國。傾城語惑李延年。信通王母勞鸞馭。力屈匈奴。放鴈田衛。霍能軍方朔。譎任他且戰。且求仙。

西京賦手半消磨。爭唱甘涼寧令歌。雲散石州秋
牧馬。霜清沙苑曉鳴駝。一川日照藍田樹。十月風
吹渭水波。曾識襦裘公子貴。瀛洲煙閣總如何。
諸詩氣橫

調響無一語
肯寄人籬下

大同雜詩

峭水叢山入望平。白登臺畔草如茵。野花紅漬閣
氏淚。沙岸黃消冒頓塵。風雨控弦三十萬。佩環款
塞二千春。行金祕解高皇厄。從此朝廷重美人。
鶯
平城春盡藥初胎。往日空歌魏跋來。尚有雲橫蘇
武廟。更無人說李陵臺。干戈五季魚龍雜。鎖鑰千
蘭言集
卷三
二二
秋。虎豹哀誰似。蒲州楊太保。清時已自蓄邊材。
預挫自然

武陵雜詩

到此才知客路長。春煙黯黯水茫茫。人非屈子天
何問。地是湘江草易香。劉夢得來詩境闊。馬文淵
去陣雲荒。漁郎莫被桃花引。魏晉都從一飯忘。
湖南湖北仗中權。旌節軍門迹已遷。孤艇白搖春
夜月。暖風黃入菜花天。羣山映郭參差出。列肆臨
江遠近連。形勢西南推第一。莫教容易廢戈鋌。

蘇蕙織錦卷

匆、織錦卷前過。蘇蕙當年巧不磨。消得閨中人

似此不知何物竇連波高爽

朱楷字聖樞號琴川江南涇縣人乾隆丁酉優

貢生著有向日編滇歸詩草

朱樹堂曰琴川學問淵雅翰藻颯沓流捧檄雲南

非其志也書得二王法碑版名貴甚自矜重輒拒樞要之請琴川萬里入滇不樂其職棄之而歸大府迭留之署競索其書竟未

一日之官也詩為書名所掩然自雅潔不俗如其為人

集陶

開歲修五日今日天氣佳虛室絕塵想良辰入奇懷欲言無予和稟氣寡所諧如何蓬廬士蕭條隔天涯

居止次城邑晨昔看山川鳥弄催新節池魚忘故

蘭言集

卷三

二四

淵詩書塞座外舫舟蔭門前栖世中事於我若

浮煙

荆扉晝常閉晨鳥暮來還素月出東嶺寒雲沒西

山權來苦夕短道勝無戚顏試酌百情遠靈府長

獨閒琴川集陶凡一百八首妙得自然之趣今存三首以見一斑

喜歸

家有雙親健兒從萬里歸五年隔荒微今日得瞻

依笑語都忘倦風塵且息機故園看竹樹夢醒是

耶非兄穎存曰從至性流出不假雕琢

西阪鄰依舊南窓署尚新不嫌居室陋頗勝在官

貧曲巷風嘶馬。高臺月就人。蕭然吾願足。書卷慰
沉淪。

過古開元寺訪湛上人不值

不見湛公久。索居良獨難。忽聞入城市。相訪到禪
壇。塔影連雲暗。鐘聲帶雨寒。空庭坐蕭瑟。愁對菊
英殘。

杖錫去飄然。行吟細雨天。祇耽禪寂。歷應畏俗周。

旋故友自茲逝。原注公友真樓新詩誰與傳。觀湖有精舍。子

亦欲求田。兄穎存曰清絕絕俗

戴大昌字斗垣一字斗源江南婺源人乾隆丙

蘭言集

卷三

二五

午舉人官宣城教諭著有補餘堂集斗源長於考據而最

有理致非徒矜淹博者比所著駁四書改錯接証精確為藝林所不可少之書詩其餘事耳

秋蝶

記曾作隊伴羣蜂倦翼逢秋腿粉紅。一夢儵然還
故我。百花何處覓。春風神仙劫。過知情幻紈綺香
消悟色空。此日翩翩尚遊戲。羅浮應不怨飄蓬。細切而規

諷之意自
在言外

陳蔚字豹章江南青陽人廩貢生著有梅綠書

屋詩鈔余未得識豹章也猶憶弱冠時以事過當塗即耳豹章詩名常心識之嘉慶癸亥春偶以小疾杜門聞人傳進

書數冊竟不知為誰寄展而視之則陳氏聯珠集也後數月始得從舅輩補庵書知為豹章所貽書云聞吾甥有選詩之舉欲以脩

采擇然余當時實未有志於此。今刊蘭言集本不及於所未結交者而補庵先生已謝世。思其言又感豹章之意為錄若干首。豹章詩大致以清逸勝。五古近襄陽。右丞而五七律選辭醇雅亦不落宋元以後。

遊南陽山

自注在九華南

遊興深。夢寐殘。月疑曙。色披衣。步中庭。月落庭重黑。秉燭且烹茶。漸。晨光逼。攜杖出柴扉。凝眸心得。遠山宿雨過。巖壑淨如拭。靈禽振彩翰。花藥爭霞艷。時有緒風來。清芬散林樾。緩步入雲深。峰回路漸仄。遙聞清梵聲。隱。松杉側。

蓮花庵

自注在石埭魚龍洞下里許

日午步溪邊。天風落清磬。隨響覓禪林。凌虛陟碧

蘭言集

卷三

二六

磴。經壇貝葉紛。法界蓮花淨。雲碓近香厨。春聲與泉應。僧雖急烹茶。老衲方出定。留客坐軒窓。綠陰相掩映。

鷺門觀海

我欲觀日出。鷄鳴登高岡。獨立倚層雲。颯。天風涼。縱目視積水。一氣惟蒼黃。須臾豁濛汜。咸池浴朝陽。烏赤鼇背碧。五色相焜煌。萬里無端倪。鏡影磨天光。叫絕開心胸。頓令塵念忘。隱。見金闕。蓬瀛欣在望。惜無雙羽翮。遠凌青霞翔。仙人期不至。瑤草終茫茫。不知亘古來。此處幾滄桑。遐思草昧

初宇內如沸湯。天威用迅掃。旌旗清海疆。而胡
汝小醜。蠢々猶跳梁。螳臂當車轍。可笑不自量。我
生昇平久。聖澤敷八荒。海外幾百國。重譯咸來
王。職貢與蠻貨。爭向此中航。柔遠貴以德。不在
矢。張島嶼。絕氛祲。終古波不揚。予願隨雙鷗。日夕
相徜徉。

筆力縱橫於集
中另闢一格

展高伯祖伯建公衣冠墓

我陳氏高伯祖。字伯建。諱懋。當明季。膺簪組。擢
參軍。佐大府。獻賊忽肆虐。蠶叢振金鼓。成都夜破
火燭天。滿地流紅血。如雨。仗劍將軍囚作奴。持符

蘭言集

卷三

二七

官吏縛為虜。蜀王遇害蜀宮焚。成仁誰繼龍巡撫。
參軍不屈臣死。君良臺良。卿子死。父孺人高氏婦
死。夫更有王香僕死。主闔門殉難十三人。毅魄聯
翩難悉數。長子良閣留侍親。一脉不絕微如縷。痛
哭西望萬里天。剪紙招魂葬山隴。青苔三尺碑。碧
血一杯土。年年麥飯薦王孫。夜夜春風啼杜宇。

趙陞
北曰

慷慨淋漓可
作忠節傳讀

登攝山

磴道盤旋上。遊人百折行。石留千佛影。松有六朝
聲。山色涵空碧。江流入海清。回看春樹裏。烟雨秣

陵城。

謁孝陵

治定宮車晏。鍾山隧道長。朝。天。有。女。戶。會。葬。少。諸。

王。鼎。就。龍。初。去。城。高。燕。又。翔。當。時。承。顧。命。冢。宰。是。

齊黃。

通體渾成
不露痕迹

送友從軍

持節遠從戎。將軍意氣雄。封狐懸畫戟。飛鴈落瑯

弓。夜。色。千。營。月。秋。聲。萬。馬。風。臨。邊。宣。帝。德。不。在。

建奇功。

健雄

旅館

蘭言集

卷三

二八

不。作。他。鄉。客。焉。知。道。路。難。曉。風。雙。袖。冷。夜。雨。一。燈。

寒。酒。至。同。誰。酌。詩。成。獨。自。看。故。園。書。欲。寫。只。是。報。

平安。

夜行

暝。色。滿。汀。洲。行。人。夜。未。休。櫓。聲。烟。外。渡。燈。影。水。邊。

樓。淡。月。依。山。沒。寒。聲。入。浪。浮。榜。人。歌。乍。發。驚。起。宿。

沙鷗。

歸棹

偶。因。山。水。癖。數。載。滯。天。涯。夜。月。愁。為。客。春。風。苦。憶。

家。鄉。書。連。楮。葉。歸。棹。趁。桃。花。明。口。澄。江。上。蓬。窓。見。

九華三四自然
非同湊泊

過梅根弔羅給諫

廿年火耨與刀耕。每過梅根百感生。場屋三羅才
有數。公車十上榜。無名竇君營。豎成高誼。鄭女窺
簾罷。誦聲垂老猶憐。唐社稷錢王不起。越中兵神完
氣足

老手
擅場

送朱寄河夫子校士延平建平諸府

星軺遙指九龍津。師弟依依不忍分。萬里天涯初
聚首。三春海國又離羣。越王臺畔空芳草。螺女江
頭盡暮雲。行到幔亭開晏處。臨風為弔武夷君。

蘭言集

卷三

二九

同張廉船上舍舟謁袁簡齋夫子不遇

絳紗紅粉競風流。謝傅園林近莫愁。早副盛名過
白燕。能消清福即丹邱。三唐讀徧無摹倣。五岳歸
來更漫遊。同甫心胸開萬古。寧惟壇坫占千秋。

翠微亭

夢去揚州不復歸。秋江猶見鴈南飛。當年九日簪
黃菊。終古孤亭接翠微。萬頃湖光宜夜月。千尋山
色趁斜暉。倚欄傾盡壺中酒。更上凌憎自攝衣。豹童
七律

如牽蘿重補杉皮屋。護笋新堆石子墻。鶯依屋語門多柳。蝶入簾飛
案有花。夜火人家掄稻蟹。秋風旅客愛尊鱸。摘向為圖同鑄島栽花
滿屋。當藏嬌萬頃烟波千里月。半囊詩草一船花。珠
向新穎有中晚風集中所錄乃特取其氣骨超然者

悼吳荔娘

塵滿粧臺鏡影虛。傷心猶記汝來初。晨窓。劈紙爭
臨帖。夜焚香。伴著書。辛苦追隨千里外。等閒歡
笑一年餘。鈿函剩有蘭波稿。吟向秋風淚濕裾。

冬日溪行

攜得詩歌與酒瓢。沿溪風冷雪蕭蕭。芒鞋踏徧寒
林路。又為梅花過小橋。風致
翩然

蘭言集

卷三

三十



林。又。香。對。香。車。等。遊。湖。十。里。水。清。闊。淺。

笑。一。平。鏡。曉。西。簾。亦。隨。題。蘇。合。白。妹。風。寒。壓。翠。微。

笑。一。平。鏡。曉。西。簾。亦。隨。題。蘇。合。白。妹。風。寒。壓。翠。微。

笑。一。平。鏡。曉。西。簾。亦。隨。題。蘇。合。白。妹。風。寒。壓。翠。微。

笑。一。平。鏡。曉。西。簾。亦。隨。題。蘇。合。白。妹。風。寒。壓。翠。微。

吳蘇娘



05155

